

光緒重修安徽通志

重修安徽通志卷一百二十六

人物志

文苑 五

甯國府

南北朝紀義宣城人著有宣城記一書今散見於荆楚歲時記注及北堂書鈔初學記藝文類聚太平御覽太平寰宇記諸書

中

章世澂撰江記典徵實卷下據云紀義時代失詳以其書中地理考之在陳隋前

新增

唐劉太沖宣州人博洽工詩顏真卿守平原辟從事爲畫策拒安祿山其弟太真善屬文舉進士淮南陳少游表掌書記興元初爲河東宣慰賑給使遷刑部侍郎貞元四年九月詔宴曲江帝自爲詩敕宰相擇文人賡和李泌等請羣臣皆和帝自第之以太真爲上真卿送太沖敘有云才不偶命而德其無鄰又云

重修安徽通志

卷一百二十六

人物志

文苑

一

甯國府

鄂不照乎移華龍驤乎雲路則公山正禮策高足於前冲與

太真嗣家聲於後

唐書劉太真傳
顏平原集

王炎宣州人工詩嘗遊蜀李白爲劍閣賦贈之及卒又哭以詩

曰王公希世寶棄世一何早

李太白集

汪遵涇縣人幼爲小吏咸通七年成進士初鄉人許棠有名於

時遵工爲絕句詩深自晦密以家貧難得書必借於人徹夜強

記棠實不知一旦辭役就貢棠時先在京師偶送客至澠澹遇

遵於途行李索然棠訊之曰汪都何以至此都者吏之呼也遵

曰此來就貢棠怒曰小吏不忖而欲與棠同硯席乎遵竟先成

名五年棠始及第著有詩一卷

唐才子傳

許棠字文化涇縣人咸通中與張喬鄭谷等稱十哲嘗賦洞庭

詩有云四顧疑無地中流忽有山人以題扇遂稱許洞庭累舉

不第及咸通十二年高湜知貢舉士多請託權貴湜抵幅於地

曰吾必以至公得譴分也棠始得第授本縣尉進江甯丞後退

隱九華山

後退句舊志池川府流寓引一統志文今移并

著有文化集一卷

唐詩紀事

顧蒙宛陵人博覽經史深究內典屢爲浮圖碑倣歐陽率更筆法淮浙荒亂避地至廣州困於旅食書千字文以換斗筲之資未幾疾卒蒙頗窮易象著有大順圖三卷韋莊嘗請追贈不及第人蒙與焉

地言

南唐荆蘄宣城人工屬文江南承唐末文體纖麗之弊士率不能自振鼇獨不事華藻以理趣爲本晚厲風操尙信義一言之出必復而後已常蓄龍尾硯友人欲之而未言鼇心許之未及予一日友人不告而歸鼇徒步數百里追及授硯而還後主末始登仕版唐亡不復謀仕宋開寶中薄遊汴京樊若水欲薦於

朝釐恥之歸隱廬山而卒

南唐書本傳

邵補宣城人孤峭不撓博通經史有詩百篇曰廬嶽集又有手

鈔史傳文集三百卷

十國春秋本傳

宋邱旭字孟陽宣城人弱冠始讀書習爲辭章南唐後主時試
厚德載物賦擢第一唐亡入宋呂蒙正判銓久習旭名問曰若
非能爲賦者乎謂爲古人乃並世耶薦授令錄遷京秩卒於衡
州嘗纂古名賢遺言爲賓朋宴語行世其詞賦得故唐程度體
時人取以爲法

十國春秋本傳

梅堯臣字聖俞宣城人詢從子用詢蔭爲河南主簿錢惟演留
守西京特嗟賞之引與酬唱一府盡傾歐陽修自謂不及大臣
屢薦宜在館閣召試賜進士出身爲國子監直講累遷尙書都
官員外郎預修唐書未奏而卒寶元嘉祐中仁宗有事郊廟輒

猷歌詩著有注孫子十三篇撰唐載記二十六卷毛詩小傳二十卷宛陵集四十卷有人得西南蠻布弓衣其織文乃堯臣詩名重於時如此

宋史本傳

汪澥字仲容旌德人少從胡瑗學易又學於王安石安石著三經義傳澥與其議熙甯太學成分錄學政登元豐乙丑進士累遷國子祭酒爲大司成議學制不合以顯謨閣學士知婺州提舉崇福宮卒澥自布衣至大司成官以儒名者三十年著有詩書孟子解義二十卷文集二十卷樂章一卷詔誥三卷子伯虎

朝散大夫知興化軍澥以子恩累贈少保

宋史本傳汪藻所撰神道碑

鍾世美字公實旌德人元豐初遊上庠獻書萬言大略論教化未宣法制未備守令不擇舊疆未復書入上亟嘉獎出示大臣授將仕郎充學正累遷至諫議大夫著有陵陽集子邦直通判

舒州府志

孫覲字仲益太平人崇甯間以進士授中書舍人靖康時侍欽宗如青城金以二帝北去而歸覲與馮澥曹輔等高宗中興安置歸州赦還又請象郡未幾擢知臨安調平江累官至戶部尙書晚與朱子交嘗手書與覲辨析義理又來訪其遊獅山書秀陰二字鐫諸石覲嘗提舉鴻慶宮所著有鴻慶集甯國府志

詹步字叔東涇縣人其先世友直友端直登政和進士居涇端傾政和鄉薦徙宣城步直裔也少好學善詩文典雅風騷以特奏得仕甯國府志

周紫芝字少隱宣城人紹興中登第歷官樞密院編修官知興國軍自號竹坡居士所著有太倉稊米集竹坡詩話初秦檜愛其詩頗厚遇焉後和御製詩云已通灌玉親祠事更有何人敢

告猷檜怒其諷己出之

文獻通考
宋詩紀事

李宏字彥恢宣城人政和五年進士歷官轉運使宣和初知旌
德縣時州郡多故宏招集鄉勇訓練有方建炎間盜張遇寇江
上知有備不敢犯宣和以下舊志名宦
引一統志文今移并呂好問知宣州每讌集
詹友端周紫芝王相如等宏必與俱宏博習羣書卒後一年帝
問淮西漕李宏在否執政言物故上嗟惜久之同邑李璠亦能
詩其所著並見宛陵羣英集甯國府志

鄒魏挺字景烈甯國人父可與從父吏部郎中升同師延平徐
誠與得聞楊時緒論魏挺早承家學登嘉定甲戌進士調分宜
尉江淮提舉司幕杜絕餽遺引疾歸臺章交薦除國子監書庫
官力辭不受隱居九龍山西園者十五年稱西園老圃年八十
卒著有視身粹言二卷讀書通說五卷子希聲亦舉進士甯國府志

汪注字東之旌德人咸淳四年進士官池州青陽簿六年棄官歸益肆於學經史百家無不該洽著有中庸演說大易衍義子胄文溫州路儒學教授府志

汪昌壽字伯敘旌德人咸淳元年進士先以能賦聞既讀易心會其微初調金陵戶曹改秩浙西帥司主管機宜文字杭州失遂歸至元申請典鄉校與叔注協志訓誘著有心易詳說鐵崖自娛集東林叩角集講義雜文數十卷子惟賢徽州路儒學教授府志

元貢奎字仲章宣城人爲齊山書院山長時方議行郊祀禮奎討定之朝廷多採其說遷應奉翰林纂修成宗實錄終集賢直學士謚文靖著有雲林小稿聽雪齋記青山漫吟倦遊集豫章稿上元新錄南州紀行凡百二十卷元史貢奎傳

黃師道字道甫奎之姪也舉茂才累官翰林待制國史院編修
時奉旨修宋金遼三史丞相託克託總其事欲以遼金爲正統
師道奮筆議曰本朝得上承中國帝王之統而與唐虞三代漢
唐齊稱者以承宋耳則正統在宋不在遼金也議遂不行然亦
以此忤時出補嘉興路治中上下憚其嚴明

甯國府志
浙江通志

劉鑄字禹開南陵人其父自蜀來宦遂家焉鑄登至治辛酉進
士居安慶路推官知南豐州多惠政工詩其題高尙書房山畫
詩格極蒼勁最有名於時

甯國府志

凌希惠字季和涇縣人嘗寓宣城與諸名士爲吟社其賦古鏡
與雲松樓詩最有名同邑倪水西官本路教授亦工詩與希惠

齊名

宛陵羣英集
江南通志

郭雷煥字有章涇縣人由薦辟任池州路教諭又爲饒州教授

能詩尤工駢儷時稱郭四六嘗送趙孟頫應召及題施氏芳遠

亭詩傳誦於時

宛陵羣英集

張師愚字仲愚甯國人好學工詩兩領鄉薦撰梅堯臣年譜多所摭引與弟師曾並從汪澤民遊與澤民共編宛陵羣英集上起宋初下迄元代凡二十八卷澤民禮下之嘗稱平生畏友有

二張云子知言亦以詩名

四庫全書提要 江南通志 甯國府志

汪文龍字濟卿太平人弱冠舉茂才任旌德銅陵文學掾歷常湖鉅山等教諭循循善誘與人言若不出口而踐履多弗能及同時歐陽虞揭輩皆贈詩推重汪澤民比之漢伏生云所著有韻書撮要卒祀鄉賢

甯國府志

汪珍字聘之太平人隱居黃山博學工詩盧摯雅重之汪澤民

一見心服稱爲南山先生

江南通志

呂枋字汝芳旌德人工詞賦至元閒避地新安辟紫陽書院山
長又辟攝錄事並辭不就後以文行舉采石書院山長設教詳

明士皆悅服著有桂芳家集采江吟稿

甯國府志

明鄭桂芳字時舉涇縣人洪武中以薦爲錢塘令辭去所著有

樂清集徐大章謂其有太白胸次

甯國府志

胡恆字守中涇縣人官教諭與宋濂善濂稱其學該才雄文如

春華秋蕙卿雲甘澤鏗鏘叶律尤篤於信義有館人遇兵投恆

恆舍之割糧與其已而涇亂室廬遭焚友有寄黃金者恆腰之

出走事定友以兵亂勿問恆自詣而還之

宋學士金華集

鄒淵字用常涇縣人永樂甲申進士初擬第一以策礙靖難事

置第二選庶吉士改禮科給事進戶科都給事以忤旨歸工詩

不假修飾而風旨高亮著有玩易軒集

甯國府志

姚裕字克寬旌德人宣德乙卯舉人授嚴州訓導遷國子監助教升翰林檢討工書善文詞著有名山雅編傳於世同邑王瑄字俊溫乙卯舉人善屬文尤精毛詩正統初授嚴州訓導遷遊東前屯衛教諭歸修縣志著有文集

甯國府志

貢欽字元禮宣城人成化庚子解元甲辰進士歷官文選郎出爲順德知府詩文豪宕所著有湖亭集李東陽程敏政亟稱之有秋水芙蓉之目

宣城事面
萬姓統譜

貢汝成字玉甫宣城人正德癸酉舉人嘉靖初預修祀儀成典及獻郊廟賦並賜金帛授翰林待詔預校錄經史上復古治策十五事章聖太后喪兩疏請復三年制不報卒於官著有三禮纂注四十九卷

宣城事面
江南舊志

黃文魁字君仲甯國人官廣西慶遠府知事有惠政喜吟咏能

自出新意不經人道著有槐軒集

甯國府志

梅鶚字百一旌德人正德丁丑進士與弟鶯齊名爲文援筆立就未仕而卒著作散佚惟鳬山集四卷行世弟鵬亦工詩鶯子元豐以貢判臺州曾刪訂十七史

江南通志甯國府志

左鑑字應衡涇縣人嘉靖壬辰進士授南戶部主事晉尙寶卿管誥敕復以本職同修宋史校正五經四書性理大全會肇開明堂行大饗禮景雲見鑑作賦以上世宗大稱賞未幾卒年僅

三十二著有風光軒友竹亭稿

萬姓統譜

王廷幹字維貞涇縣人七歲能文讀書日以寸計嘉靖壬辰進士年僅十七奉詔歸娶授行人累遷九江知府乞休歸鍵戶著述一切碑版皆出其手有集十卷行世子文燿字形中萬歷壬辰進士官刑部主事亦能詩

江南通志

趙善政字以德涇縣人隆慶辛未進士知仙居縣政恬訟息令吏日鈔唐詩以俟評選累官至廣東副使以外艱歸不復起著有寶退錄仙東詩稿養志餘編

涇縣志

孫攀字士龍宣城人長於記問嘗得周禮古本徧考諸家折衷爲一書名周禮釋評與貢汝成纂注三禮後先相望稱博洽焉

江南通志

沈懋學字君典宣城人工草隸善騎射及詩歌古文萬曆丁丑進士第一授翰林修撰嘗應詔賦宣宗元免圖稱旨眷遇日隆會張居正奪情趙用賢吳中行以疏論廷杖懋學疏救格不入遂引疾歸扁舟野服放浪西湖茗雪閒崇禎時追謚文節

明史本傳

梅守箕字季豹宣城人豪宕善屬文援筆立就家貧能緩急人皆異之著有居諸集子元祚子藩祚臺祚皆善詩文王世

貞叟詩云從誇荆地家家玉不及梅家樹樹花蓋謂諸梅之競

秀也

甯志居詩話
江南通志

湯賓尹字嘉賓宣城人萬厯己未會元廷對第二授編修仕至

祭酒以制舉業名天下著有睡菴詩文集

甯國府志

梅鼎祚字禹金宣城人生而癯甚父守德甚憐之欲焚其筆硯

乃匿帳中默誦幼與沈懋學善懋學魁天下鼎祚乃棄經生業

以古學自任文詞雅贍海內知名閣臣申時行欲以文徵明故

事疏薦辭不赴歸隱書帶園構天逸閣藏書著有鹿裘石室集

生平刻書甚富有古樂苑唐樂苑歷代文紀漢魏六朝詩乘書

記洞詮等書凡數百卷孫朗中字朗三工詩古書畫輯唐以前

賦爲賦紀五十卷著有書帶園集十六卷又孫超中從孫磊並

知名皆有集行世

甯志居詩話
甯國府志
江南通志

吳伯與字福生宣城人萬曆癸丑進士授戶部主事歷員外郎
中出爲浙江參議兼廣東副使伯與晚達故得博極羣書工
文詞著有素雲齋集董其昌以爲體齊梁之綺靡兼燕趙之悲
壯又所輯有名臣奏疏事函文函等書行世

明詩綜小傳宛雅

張應泰字大來涇縣人髫年時巡撫林潤試闔郡士經義外有
中官不得干朝政疏閱應泰卷驚曰異才引爲小友成萬曆壬
辰進士授泰和令累官至泉州守吏民斂戢盜不入境後爲吉
安守未蒞任卒所著有越游草蓺葵園草白門草孤村遺鈔晚
香亭稿史疑諸書

福建通志甯國府志

張一卿字次公涇縣人七歲能文淹貫經史連中副車入南監
祭酒李維禎目爲汪元美汪伯玉之流居南郊杜門著書有五
經講義春秋三傳節義續史疑四六綺合古今表箋諸書

劉永麟號象衡南陵人萬厯乙卯舉人授通判以母老不仕所

著有詩賦文集尤敦氣節

甯國府志

許以忠字君信南陵人性孝嘗齧臂血以療父病以儒士歷任

戶部主事工駢儷文名在屠赤水王百穀諸人右所選四六盛

行於世著有愛日齋詩集

甯國府志

沈有則字士範宣城人懋學子也萬厯庚戌進士官行人疏請

建儲詞甚切至後奉命使楚奉母南歸母卒於道有則日夜泣

血遂繼卒所著有紫烟閣集皆有本之言

甯國府志

劉仲達字九達宣城諸生著類書百餘卷行世一時莫之能先

甯國府志

鍾震陽字百里宣城人年及艾猶困童子試崇禎庚午辛未始

聯捷鄉會知山陰縣築塘捍海民便之祠於海壩有集行世

甯國府志

府志

九

秦邦修字道源南陵諸生宏詞亮節爲世所推重尤畱心經濟之學南陵糧稅舊有二十四等那移隱漏弊竇百出邦修草疏使俞用美詣闕奏之釐正丈量邑賦得均厥績尤偉

甯國府志

王宏道字子能南陵選貢授平涼府推官改任樂平歷官清介致仕歸民頌之曰歸囊此處無他物惟帶昭山一點青平生研精性學尤長於詩有集行世卒年九十四

甯國府志

崔廷宏字銘誠太平人從羅汝芳王畿遊精研性命之學與焦竑結社金陵著有水火解分上下內外天人三篇探幽抉奧直入南華之室陳繼儒施鳳來爲序以行世

甯國府志

舒宏謬字士一旌德增廣生博學工文造就後進多知名者所著有古今全史便覽易經去疑諸書同邑諸生姚懋忠性孝友

著旌川乘書甯國府志

仙作舟字本初甯國人八歲能文工書尤善畫竹年僅三十卒所著有淮南鴻烈解補注大易內外爻象辨說繫辭說解摘藻

揆英等編甯國府志

王文煒字闇仲更名遯初字子寅旌德歲貢所著天文論晉江

張瑞圖歎爲異才其于寅寸書五十卷內有梓山鼠餘左國詳

評五經肯周易吃四書句諸集行世甯國府志

劉振字自我宣城人慷慨善持論范景文巡撫河南振以布衣

上書由是知名尋返金陵鍵戶著述輯明三百年實錄旁稽野

乘裁以己意名曰識大錄子易字望之徙居河南著有擬騷并

詩文集江南通志甯國府志

胡世及字伯承涇縣人明末復社諸人並爭聲氣世及淡於名

利鍵戶著述以舉人官國子監丞鼎革後棲身巖阿不談時事

年八十卒著有幾餘獄觀堂清航居諸稿甯國府志

萬應隆字道吉涇縣人崇禎己卯舉人名動一時與沈壽民劉

城吳應箕沈士柱趙司直等倡南社張溥倡復社於吳門應隆

率諸士與之合激揚聲氣為權貴所忌馬阮修舊怨隱而得免

鼎革後故交達官多薦之弗應著有三峯傳稿史論及詩文集

同邑名在復社者有王微字慎五著亦世堂集趙司直字維生

著敬閣集敬閣襍志朱苞字以九著半菴集些子會心應隆弟

麟字道瑞著松虬集葉令樹著有桓城五帙甯國府志涇縣志

趙崇禮字谿叔涇縣人七歲工書比長深入二王之室尤工畫

蘭詩文清雅而皆為書名所掩平生渾穆沖淡篤於知交親故

知之者嘗有書不如詩詩不如人之歎今所傳有文燕齋遺稿

甯國府志

汪念顯宣城庠生工詩文著有世道忠言同邑諸生俞綬著有

淵影詩文集六十卷

甯國府志

陳天德太平歲貢知高安縣著易論五十篇弟天爵萬歷舉人

著四書皈正篇同邑項陞歲貢知樂陵縣以清介聞著述甚富

焦文臣廩生性孝友母事嫂子蓄姪著有燕臺筆記項應選增

生著有易測篇

甯國府志

國朝梅巨儒字謏聞宣城人早棄舉子業盡讀藏書乃做通鑑目

錄皇極經世編年體爲史鑑大事錄一書又著左傳發明及訂

正諸家詩古文辭百餘卷平生篤於行誼事母至孝鄰有鬻妻

贖罪者爲傾囊以濟之得完

一統志甯國府志

唐允甲字祖命宣城人明末徵江左鉅儒充中書之選閣臣高

宏圖薦爲舍人一時辭命多出其手會權臣披剝善類遂迹
溪山著有詩文數十卷老年以書名海內得之者如獲拱璧

府志

甯國

戚懋字穉含宣城人崇禎閒遊都下適司禮監王某奉命巡邊
延爲參謀徧歷酒泉張掖等郡憑弔山川詩文盈篋旣復命當
授通判棄歸尋入浙幕順治初浙閩內附授龍泉教諭告歸與
唐允甲飲酒賦詩旣老而詩益工

甯國府志

梅士鉉字象先宣城太學生自周鼓秦碑以逮蟲魚草木地輿
醫卜之籍靡不窮究尤豪於詩伯仲早世撫諸孤如慈母尋以
兄子事冤繫五年盡毀產以紓難無幾微見於詞色晚爲潛山
縣丞著孤山八集行世子靚字清老好詠耽遊自寫性靈不一
語借人牙慧著有風聲集客吟臥吟餘吟二十卷

甯國府志

吳鉞字若金宣城郡庠生少與沈壽民齊名吳中錢禧亟引重之詩尤清拔著有浮筠軒集弟垌字季野邑諸生謝舉子業一意古文力追周秦兩漢以上有集四卷

南國府志

張延世字子尉宣城人七歲能吟咏長益肆力羣籍所學日富行誼愈高幼失恃事父極孝父卒哀毀幾不勝喪與異母弟同居數十年無閒言姊少寡子甫四齡值兵亂挈之以避終獲保全所撰著不下數十種晚以明經爲宿松訓導卒年八十四同族有諸孫一鰥者亦好學能文五經俱有注解並散佚惟存春秋畱傳十餘卷

南國府志

孫于王字羽辰宣城庠生絕意進取骨情山水其詩有風號雨溢海嘯山奔之致磊落動人所著有萍菴集

南國府志

唐益字朕虞宣城人博通古籍學使李來泰極重之順治康熙

中三中副車竟以明經終老著有自怡集

宛雅
府志

甯

盛於斯字此公南陵人工詩古文詞往來金陵維揚閒與諸名士相結納歸而目眚家益貧侘傺憤鬱一寄於詩初大梁周亮工未遇時與友善於斯曰子非長貧賤者異時擁節過吾廬當謁吾母題吾墓後周爲江安糧道於斯死矣爲設位哭之甚哀遂買石手書以表其墓贈恤其母爲刻其遺稿

周亮工所作傳
江南通志

何一化字生伯南陵人工詩文施閏章稱其詩清真閒遠深得

風人之體著有瑟齋詩集

甯國府志

吳維駿涇縣人順治丁酉舉人是科詔覆試賦春雨二十韻維

駿擅場都門傳頌成康熙戊戌進士著有四書講說

甯國府志

許允成字展也南陵人順治戊子舉人授潁州學正後補金壇

教諭卒於官著有龍巖集

甯國府志

翟士鼐字永維涇縣歲貢所著有鑿餘天集其闢釋道二辨直
追蹤原道本論諸篇子藹庠生著有九畹史論及詩文集甯國府志

涇縣志

杜名齊字朋季旌德人少從沈壽民遊不事科舉業著有東固

草堂集

甯國府志

翟賜履字非熊涇縣諸生經史外凡可經世者無不博覽工詩
善書尤便弓馬嫻技擊最有名於時著有清閣詩選甯國府志

梅清字淵公宣城人順治甲午舉人工詩善畫寫松尤入神品

周覽燕齊梁宋之間所至傾倒王士禎徐元文極推重之著有

天延閣前後集瞿山詩略嘗寫黃山峯十二幅雲烟變幻蒼秀

雄拔見者無不驚歎

居易錄甯國府志

梅庚字耦長宣城人少孤力學善八分書山水入逸品尤長於

計於間章一見引爲忘年交康熙辛酉領鄉薦屢困公車王士禎主禮闈復被黜士禎作詩自咎有如何古戰場亦復失李華之句尋知泰順縣邑苦歲修海船庚泣任五年累不及民嘗作修船謠人比之春陵行未幾以老告歸著有漫與集聽山詩鈔

一統志

甯國府志

袁啟旭字士旦宣城諸生工詩而好遊宋實穎序之以爲惟梅村可以方駕近則其年得其豐腴漢槎有其英概其推服如此

著有中江詩鈔從弟又安亦有詩名

宛雅甯國府志

王之績字懋功旌德諸生沈靜好學所著鐵立文起丹徒張相國玉書曾爲序其簡端其五經人物志三十卷惜不戒於火遂

致散佚

甯國府志

高詠字阮懷宣城人書畫詩世稱三絕與同里施閏章同主盟

騷壇者三十餘年號宣城體康熙己未以博學宏詞授翰林檢

討充明史纂修官積勞成疾告歸卒著有蕭江遊草遺山詩集

及若巖堂全集五十卷

一統志
江南通志

茹薦馨字楚畹宣城人康熙己未一甲三名進士授編修分輯

五代史及易經講義蜀平獻詩

祖深加獎勵早卒著有畫溪堂稿

江南通志

孫卓字子立宣城人康熙己未一甲二名進士授編修淹通經

史敦崇氣誼癸亥奉使冊封安南卒於粵西道中著有幾社齋

稿

一統志

沈泌字方鄴宣城人壽幾子也幼孤力學博聞強記康熙己未

當事以博學宏詞薦爲忌者所沮遂以諸生終所著甚夥惜沒

後爲人所竊不傳

宛雅

湯偉字駿公宣城人年四十始應試中康熙庚午舉人一試禮部不第遂徧眺名山大川出口外雜部落騎射爲樂凡十八載始歸年已七十授江陵教諭一富商與諸生訟學使右商偉堅執不從學使怒其強項偉曰惟教官當如此強項耳後遷國子典籍以老告歸年九十三卒著有性解仁說易準注離騷經貫等書從弟拔貢廷麟偉所著多取定焉

甯國府志

程元愈字偕柳自歛徙宣爲邑廩生性孝友爲文悉本六經朱彝尊王士禎皆亟稱之著有儷體文鈔昭明詩選輯注

江南通志

鄭相如字漢林涇縣人康熙庚子副榜少穎異八歲通經長愈博貫經史當事以博學宏詞薦數奇不遇所著有四子圖書學貫四靈通考及詩文集凡數百卷子文熊舉人著有白離集

甯國府志

涇縣志

梅兆頤字淑伊宣城庠生性孝友詩古文詞見稱於時書法圖
篆皆能入古曾以博學宏詞薦著有春秋紀事始末花谿詩文
等集

甯國府志

湯友信字誠齋太平廩生雍正丙午大學士孫文定嘉淦爲督
學時以人品端方薦授浙江嘉興知縣生平力學以踐履篤實
爲要著有學庸口義易經集解朱子四書或問記疑等書

太平縣志

楊廷柱字礎珍宣城人雍正乙卯舉人爲文根極理要淡於仕
進年八十餘講論不輟以國子典簿銜終弟廷棟成進士官編
修廷楷廷標皆舉人廷機邑庠生同懷五人才名並噪

甯國府志

葉沃若字千里涇縣人博通經史晚精推步之學自製量天尺
以測星辰躔次靡不合乾隆辛未會試中式榜發已卒於京邸
人皆惜之所著有壺中嘯詩文集

甯國府志

陳桂林字枝一涇縣副榜官建德教諭勤於督課所著四書述陸輯言雖云述陸多出己見足以羽翼平湖同族陳麟書乾隆

庚午舉人著有四書困知錄

甯國府志

洪均字鳴佩甯國人不樂仕進遊於吳與沈德潛等友善德潛所選古詩源多資贊訂著有東岸吟稿

甯國府志

胡承福字備五涇縣人中雍正癸卯副榜垂二十年始領鄉薦嘗纂輯四書審問錄二十四卷又成四書撮二卷中載朱陸異

同辨別儒釋宗旨尤爲精闢

甯國府志

施念曾字得仍宣城拔貢侍讀施閏章孫雍正十二年知興甯縣乾隆丙辰巡撫楊永斌薦舉博學宏詞試而未用二年回任修學宮葺城濠建書院以祀韓蘇復刪纂邑乘歷宰粵繁縣有巨豪憑其城社杖而錮之令新會嘗葺陳白沙祠所至聚書雖

在官衙不廢稽古後遷知河南禹州被誣解官未幾卒歸裝蕭

然

廣東通志
新增

沈聚奎字星五宣城人乾隆庚辰舉人究心經術於疑義多所

發明所著有西垣史論及西垣辨說等書行於世

甯國府志
宣城縣志

童升秀字書升南陵人少力學無書不讀尤精於史著有僭國

要覽拾史唾餘

甯國府志

劉握字天一南陵人幼而盲以耳受書著作甚夥其算學三法

一書直捷指點大興朱文正珪撫皖時爲序行之

甯國府志

趙良震字修遠涇縣人乾隆庚午舉人父青藜官御史未歸震

率諸弟讀書古寺杜門不出平生方正嚴毅人聞履聲輒畏而

避之著有耕氓集弟良霖丁卯舉人著有竹巖集良爵邑增生

尤善古今體詩能書工畫著有臺巖詩鈔

甯國府志

江傑字晴川旌德人乾隆丙子舉人工詩古文詞尤根極於理窟誦法程朱無少出入著有四書解語諸經集解南華輯評率

友堂詩文集

旌德縣志

翟大程字雲九涇縣人父思陞以廩貢司訓臨淮著有耕墅文集閒游詩草大程成乾隆庚辰進士由中書出爲廣東知縣性恬退遂乞休歸著有抱瓮齋集羅浮紀遊詩及桃花潭文徵行

世

甯國府志

呂潮元字善伯旌德人少受學於任啟運儲大文沈酣經籍博涉史傳著有經傳箋注相業彙纂及律呂方輿井田圖攷百餘

卷

旌德縣志

趙守勳字書常涇縣增生善屬文尤工於詩上自漢魏下迄元明諸家無不鑽研嘗客游於秦著有秦游草一編登高弔古頓

挫激昂人比之少陵入蜀有甄溪集行世

涇縣志

胡承譜字韻仲涇縣人乾隆壬申舉人爲廬江訓導上元教諭皆有聲著有春秋五測隻廬譚續隻廬譚及元峯詩鈔行世同族胡元輝字乾九讀書自經史外諸子百家無所不窺所輯有子貫一書其所自著有石門集子貫附言

甯國府志

袁穀芳字貫堂宣城人乾隆壬申舉人官震澤訓導善古文筆力在介甫老泉之間著有秋草文隨歸廬詩稿

甯國府志

趙帥字元一涇縣人乾隆壬午

聖駕南巡召試二等是秋領鄉薦官鎮江府訓導著有偉堂詩鈔三十

卷袁枚王昶爲序行之後官安肅知縣以事罷歸

涇縣志

梅馥字至靚宣城庠生少貧力學潛心理窟著有易義別觀太

極圖說詳解洪範皇極內篇本義三傳本義周禮集解

甯國府志

江銘字西文旌德人乾隆乙未進士經史百家無不鑽研著有

四書精義

旌德縣志

陶敬信字涵一南陵優貢學務實踐著述甚富學使鄭江以忠信端謹兩心經學保薦以所著周禮正義進呈

御覽蒙

恩褒諭明晰平妥

賜緞二疋在三禮纂修館行走載入學政全書為諸生鼓勵書成議敘

懷遠訓導卒於官

南國府志

章瑞覺字味漪宣城歲貢善讀書精考掘嘗著九州疆域考為

一時名流推賞平生著作甚富當塗黃尚書鉞為序而行之

南國府志

府志

趙友廣字穎存涇縣諸生絕意進取專精於詩所輯有選詩傾

液錄蘭石詩鈔流播藝林其所自著有嬾雲詩鈔三卷卒年八

十

南國府志

崔應爵字斯吉太平歲貢工詩古文人品端方尤足爲鄉里式

所著有脊菴詩文集

太平縣志

趙敬字聖源乾隆庚寅舉人殫心述古老而愈篤所著有父象

管見拙齋論古二書行於世

太平縣志

胡先抱涇縣人乾隆癸卯舉人通經史善詩古文詞著述甚多不自收拾多散佚卒後其子庶常世琦輯所存爲萬里集

南國府志

陳寶泉字鳳石涇縣人乾隆己酉舉人任淮安訓導後任石埭

教諭卒於官平生篤志力學經史百家皆手錄成帙著有孟子

時事考徵禮書旁通十二卷行世其毛詩述聞三十卷周易廣

義三十二卷路史補箋十二卷又所輯粹精叢書六十種皆精

寫存於家

涇縣志

吳大昌字世其涇縣廩貢以試用訓導署和州學正工詩古文詞著有北蘿詩鈔一卷賦存一卷歷陽集一卷祭酒法式善嘗稱其勵學六篇足見平生心力其四書通詁二十五卷周易纂詁六卷老蠹叢談二十卷皆繕寫藏於家

涇縣志

朱望霖字澤南涇縣歲貢肆力經學凡漢唐注疏皆手自摘鈔輯有一經樓隨筆待梓中年後遭遇酷貧甘守淡泊而其巾常有以自得嘗作花下弄孫詩選入涇川詩鈔

朱氏家傳
新增

吳世旂字通帛涇縣人嘉慶辛酉舉人事力著述絕意進取著有四書參要三十六卷韻學辨訛八卷廣廣事類賦三十二卷

涇縣志

胡貞幹涇縣人嘉慶丙子舉人工詩古文詞尤善四六著有杏

軒集八卷儷選四卷卒年僅二十六士林惜之

涇縣志以上舊志

張炯字季和宣城監生嘉慶丙辰舉孝廉方正撰達孝通經論又仿石經文體隸書孝經一冊進

呈奉

宣褒獎著有池上草堂詩集

宣城縣志以下新修

崔騏字伯弁太平副貢官舒城教諭殫心著述有周易漢學六卷春秋世系四卷及詩文襍著四卷其葬論斂論尤有關世道人心生平好義先後捐軍需萬金年六十時輸田於族祠爲祭

田

太平縣志

包世榮字季懷包慎言字孟開俱涇縣舉人並深於漢學世榮著有毛詩禮徵慎言著有經義考異公羊譜又包汝翼字輔之廩貢著有禮經管窺卒年九十三

涇縣志

翟檀字石田涇縣廩貢潛心性理年踰八十好學不倦著有中庸辨孟子考諸經說各一卷水利集證四卷善後隨筆二卷文

二卷詩一卷涇縣志

趙大鏞字笙南涇縣監生著有四書集注窺管三卷窺管外編

六卷讀易略記六卷咸豐閒殉難涇縣志

王思孝字慕堂涇縣增生博覽經史尤精於易著有學易錄十

二卷誠教堂詩文集三卷涇縣志

汪青雲字鳳樓旌德貢生好學深思於四子書尤能薈萃諸說

折衷於是著有四書精求八卷旌德縣志

姚配中字仲虞旌德廩生潛心經史旁通六藝尤邃於易著有

周易姚氏學十六卷周易通論月令二卷一經廬琴學書法拾

遺旌德縣志

戴潤萬字益川旌德舉人藏書十餘萬卷文名藉甚潛心漢學

所著經說將付刊而寇至殉難祀昭忠祠

旌德縣志

崔應運字資嚴太平諸生於書無所不讀推測星度不爽著有

帝王年代考雲巖考古關峰錄邵子窩筆記會心錄

太平縣志

按甯國府以詩文名者

國朝尚有宣城孫竹筵著西湖集梅以俊廬生著承露集及茗語劉

錫麟族廬生方春著負荷吟暮坪詩草劉文友廬生著水沈

廷謨諸生著學統辨淑王佐郡庠生著王可第廬生著相張

宿庠生著施璵歲貢著李希稷庠生以博學宏詞薦詩文散

者吳璟侯進士知永甯縣茹夢松傳生定遠教諭著三梅理

進士吏部主事著劉聘書廬貢著四書從春秋董潤廬貢所

桃源縣志勸士錄入王成器董正陽舉人著敬亭姚光劍附生著四書說餘四

新增後新增者涇縣左士望甲申後邑事散秩周虬工詩古

俱見各縣志體著蒼董文穆著四子馬騰蛟拔貢著格趙昌國山人著放

泉集軒趙友璋著卷山選草翟士吉著海桑沈行泰諸生著

詩集翟永檀林人著包青庠生著汲古錄六十卷又汲包元音庠

著半疎園集吳大紳集二十四卷吳昌言歲貢著忍冬

錄為序以行世吳大紳集二十四卷吳昌言歲貢著忍冬

劉翟吳省蘭入藝海珠塵趙春泉歲貢著西河文稿朱佩

廖貢與兄修吳讓恆廩生著消暑草卒年僅趙同炳舉

著棟吳詩文集吳讓恆廩生著消暑草卒年僅

解人急胡浦澤舉人訓導著張以潤舉人著春秋胡光

代人著孝經義舒觀賓諸生著孝翟玉璫歲貢著史學翟

逢吉諸生著翟廷珍廩貢著修業吳澐諸生著性理參翟立

方文生著吳寅詩集三十卷查際華附監生著吳同

書詩生著吳休徵諸生著吳白詩草五種施廷桂文生

文辨 胡先座 原貢著律呂考證十二卷句股釋 張履元 歲貢

貢水道二卷 情 潘藻 八卷經訓堂詩文集十六卷 潘聖書 舉人著五

十卷 潘仲素 諸生著 潘文江 諸生著 潘良秋 著農

鈔二 潘綸恩 歲貢著 潘陸才 席生著 潘精 一著

集二十卷 朱鶴書 歲貢著 胡世琦 義立經堂詩鈔 吳輝

祖集 課耕園詩集 吳懷恩 附貢著 鄭澍 廩生著 朱培

文生著 亦樂 董廷梁 文生著 左旋 增生著 左庚 廩貢著

鈔 左康 詩文集 左丙熙 廩生著 鳳超然 廩貢著 李越 廩貢著

草 朱業書 副貢有孝行著 朱坤元 著 汪學瑜 文生著

汪學瑗 文生著 南陵王震 歲貢著 梁于涵 廩

著述散佚 弟于治 王賜烜 舉人著 何燕 歲貢著

甯國汪作霖 存者人爭傳鈔誦之 程書 舉人著 祝之學 官著

有周馬倫要旌德譚文昭拔貢著汪振沅舉人著西
方逢辰

康生著馬經去方學成孝廉方正知夏津劉瓊拔貢著忠孝

疑類苑揭要志呂偉庚舉人著詩經集解說文呂偉岫舉人著

志上舊呂偉庚引經考詩韻異同條辨呂朝颺附貢著禹貢注

汪在中歲貢著四呂廷華著四書類呂朝颺附貢著禹貢注

考文詩集戴求頌增生著杏林古文方維翰拔貢著長汪濱

兵楚無存戴求頌增生著杏林古文方維翰拔貢著長汪濱

貢生著呂煌著山輝王承享增生著蘭草山房太平胡紹

虞著性理辨是項淦息齋集著六杜應成易編按數種周湯

新俞齋詩文全集方際乾庠生著四書曉義集錄四書周登

瀛成買著松雲齋詩文集象緯陳常康生著六經奇英四書

世崔映秀舉人著錄金集蘭亭崔應魁舉人著異崔應連著

心錄崔允文增生著蘊石陳世濟舉人著名王朋著毛詩集

二卷崔允文增生著蘊石陳世濟舉人著名王朋著毛詩集

王登瀛舉人著王紹錕貢生著禹杜炳成貢著四孫良鑑舉人

王登瀛舉人著王紹錕貢生著禹杜炳成貢著四孫良鑑舉人

著苑川	項功	舉人著	焦淮	舉人著	孫許卿	廩生著
詩草	五詩稿	集經書詩草	孫許卿	五題注		
解譚鳴盛	廩生著	崔沅	拔貢小京官著	仙原文		
著龍山詩草	以上新增	集十卷	院恩堂賦草	崔文泰	舉人	

重修安徽通志卷二百二十七

人物志

文苑 六

池州府

唐胡楚賓秋浦人高宗時以善屬文爲右史與諸儒同撰樂書百僚新戒臣軌十餘篇爲文甚敏必酒中下筆高宗嘗以金銀盃酌酒飲之文成輒賜焉性重慎未嘗語禁中事人及其醉問熱視不答尋兼崇賢直學士唐書元萬頃傳

武璿秋浦人咸通四年以感事詩投卷於知舉蕭倣云花開蝶滿枝花謝蝶還稀惟有舊巢燕主人貧亦歸倣賞其有存故之志遂放及第爲益陽令杜荀鶴贈詩有縣稱詩人里無嫌日寂

寥之句

唐詩紀事江南通志

盧嗣立秋浦人以詩名會昌中及第

江南通志云咸通十四年進士池州府志貴池縣志

皆云咸通四年進士未知孰是

時稱主司得士

唐詩紀事

顧雲字垂象秋浦人與杜荀鶴殷文圭同肄業九華受知宰相令狐綯咸通十五年進士爲淮南從事畢師鐸之亂退居雷川杜門著述執政薦雲與司空圖等分修宣懿僖三朝實錄書成加虔部員外郎乾甯初卒著有鳳策聯華編稿昭亭雜筆

唐詩

紀事

康駢字駕言秋浦人乾符中登第田頴守宣州聘入幕薦爲戶部郎遷中書舍人所著有劇談錄傳於世

萬姓統譜津逮秘書

杜荀鶴字彥之石埭人早得詩名嘗謁朱全忠無雲而雨全忠以爲不祥荀鶴賦詩呈之全忠甚喜送名春官大順二年登第宣州田頴甚重之遂處幕府奉使通梁全忠厚遇之表授翰林

學士主客員外郎知制誥天祐初卒顧雲爲序其詩曰唐風集

唐詩紀事
唐才子傳

張喬池州人隱居九華山與弟霞俱有詩名喬有高致十年不

窺園咸通中京兆府解試月中桂喬擅場主試李頻以許棠久

困場屋以爲首薦復受知於薛能欲表於朝亦不果

唐詩品彙
載喬大順

進士全唐詩傳
言咸通進士有詩集二卷

唐才子傳
世言

按喬送友人歸宜春云故里南陵曲秋期更送君故甯國府

志亦載之今從唐才子傳池州府志

韋彖池州人以能賦名嘗游京師吳融奇其才薦爲府元歸隱

九華山卒

江南
通志

臧漬池州人能詩以鄉貢試京師不第羅隱以詩送其歸有曰

賦成無處換黃金卻向春風動越吟後不悉其出處

池州
府志

楊吳殷文圭字袁儒秋浦人乾甯五年以朱全忠表薦及第後投啟公卿閒有曰於兔獵食非求尺璧之珍爰居避風不望洪鐘之樂全忠怒之閒道入吳爲楊行密掌書記至翰林學士著有登龍集從軍稿筆耕冥搜錄

唐才子傳十國紀年

宋湯悅本姓殷名崇義文圭子也少穎悟嘗見飛星墜水盤中掬而飲之文思日進仕南唐至同平章事凡書檄教誥悉任之唐亡入宋避宣祖廟諱改姓名太宗敕撰江南錄十卷自言有陳壽史體又俾同修太平御覽等書

十國春秋本傳

曹緯字元象貴池人擢進士第與劉燾崔執柔劉正夫在太學號四傑秦觀嘗謂置其詩於少陵集中誰曰不然著有秋浦集

萬姓

統譜

曹組字元寵緯從弟也六舉不第著鐵硯篇以自見宣和中召

見玉華閣上親灑宸翰以賜之曰曹組文章之士命題作賦按

筆立就上大悅

萬姓統譜

齊天覺字莘夫青陽人少好學讀書倦暫隱几而臥三十年未

嘗解帶就枕由是經史子集靡不淹貫舉於州歷贛州僉判

萬姓統譜

統譜

江

南通志

俞夢龜銅陵人生卽有齒能言夢中常有讀書聲六歲通經籍

九歲應童子科問以諸義無不知者授太子正字直祕書監

萬姓統譜

統譜

江

南通志

元楊少愚青陽人少好學博通羣籍所著有孝經衍義編秋浦

集九華外史

萬姓統譜
江南通志

馮勉字彥修建德人應天歷二年省試策對公田之弊計口授

鹽之害極愷切清廟瑟賦辭采華瞻拔第一至順二年登進士

第授韶州路僉判著有土苴集

萬姓統譜池州府志

明郎文韶貴池人博洽多聞由特用官郡丞致仕歸卜築玉臺

山麓建聚星樓積書充棟所著有玉臺集

池州府志

孫哲字旣明青陽人永樂中貢入太學預修永樂大典一中官

以佛經強之書哲不可遂辭歸同時貴池孫玘亦預修大典以

母老辭歸

池州府志貴池縣志

劉正蒙字養卿貴池人少工文其歌詩得元和體以國子生選

湯溪縣丞遷襄府工正歸

江南通志

劉岐字鳴鳳貴池人以國子生任河間縣丞歸築猗園賦詩其

中號石溪子著有北征詩林下集

江南通志池州府志

章棟字四可青陽人少嗜學貫穿經史尤以賦名正德五年舉

人官沅州知州著有沙塘粹稿補拙稿

池州府志青陽縣志

余翹字聿雲銅陵人四歲授書卽能成誦長遂悉究經史詩古

文皆有名臨川湯顯祖見而奇之呼爲小友萬曆辛卯領鄉薦

春官不第著書以老所著有翠微集浮齋集

江南通志

金宗範東流人萬曆乙酉舉人學博才雋尤工詩善草書又青

陽吳光裕長於詩賦兼工篆楷著有申椒園集弟光錫亦能古

文工篆書

江南通志

柯日東字朝陽建德人少負才名鄉先達皆就之論事著有映

玉齋集同邑江大蚪亦博洽工文門多問字

江南通志

柯之來字咸虛貴池人工文詩倣七子淡於仕進究心理奧嘗

著朱子三大辨於陸氏微義一一析而正之又論湛若水諸解

優於新建新建春王正月之辯則大非也儒者多韙其說

江南通志

志

李達字行季貴池人天啟中游京師恥作公卿揖客時魏璫擅

政達作詩文刺之名動一時吳應箕丁燿劉城序其集以行世

池州府志
貴池縣志

李憲貴池人崇禎庚午舉人性至孝居父喪遇賊刃及其腹不

去賊乃舍之阮大鍼在南都與吳應箕倡為防亂公揭鄭三俊

主京察時驅除魏璫黨殆盡憲實佐之著有天啟事實一編

江南通志
貴池縣志

國朝劉廷鑾字與父貴池人少從父城受學又從吳應箕遊日益

淵博詩文偉麗聲名藉甚康熙元年以貢考授州同知未仕卒

著有梅根集及他纂述凡數百卷同邑姜可久亦受業城與應

箕之門通經史大義著有斐園集

江南通志

吳應筵字山賓後名非應箕從弟專力於古博學善詩畫工鐵

筆每游佳山水所至題名自鐫於崖石應箕殉節爲撫其孤喻成龍守池獨懸一榻以待非所著有三唐編年廿一史異同考

貴池縣志

曹晟字集孔參方之子大鎬弟也以詩文名嘗應聘修兩廣省志總督范承勳取以爲各郡式又嘗修雲南通志有名於時同邑郎遂由諸生入太學有手輯池陽韻紀一書閩幽表微搜羅殆盡又所居在杏花村以古今名勝建置及人物藝文編爲杏

花村志十二卷

池州府志

錢之選字文青青陽庠生窮經述古日居九華山房吟咏不輟著有蜨丸集五十卷心言集五卷九華日遊集二卷

青陽縣志

劉一峯字學山青陽庠生手輯經史遺編探索理窟著有四書

文言祕書三種行世子台星副貢著有周易集粹

青陽縣志

陳克祥字季麟銅陵人父國瑞以好義聞鄉里克祥嗜學工文

時推博洽

江南通志

章周貴池人性孝居喪執禮未嘗見齒著有學庸集解義經遵

注

貴池縣志

章懷琰字蓮右貴池歲貢達於易嘗集先儒精義作周易粹語

子夢尙拔貢著有四書合講刪補折衷及文輿三集

池州府志貴池縣志

志

吳泰龐字師瀄青陽人康熙乙酉舉人歷任教諭二十餘載從游者皆爲名卿大夫如大學士程景伊劉綸其尤著者所著有

怡雲堂集

青陽縣志

徐念祖字貽孫青陽拔貢考授知縣內行修潔文章冠郡邑遭家庭之難夢中數悲嘯或標辟而呼桐城方苞與之善每欲以

義理廣之不能入後自北歸不數年竟投池中死聞之者知與

不知皆爲流涕云

方望溪文集

章廷鈞字雅存銅陵人乾隆壬申舉人官宣城教諭博習羣書

尤邃於易朱文正珪見其著述嘗贈之詩有經笥窮皇墳之句

所著有攜柑亭詩古文集子天紳丙午舉人嘗手鈔古今儒林

文苑傳有所取去以寓趨向之意著有歷代建元考

銅陵縣志

陳芳宇郁庭青陽庠生工詩古文與弟蔚齊名袁枚極稱之著

有華溪草堂詩文集趙翼爲序以行世姪坡以廩貢署廬州府

教授著有天文集解諫亭詩草

青陽縣志

錢希孔青陽諸生善詩文兼通繪事著有書山文集農閒集三

峯詩草子洪嘉慶辛酉進士官國子監助教工詩善畫著有竹

齋題畫詩鈔

青陽縣志

袁琛字蘭舫青陽貢生官鳳陽教諭淹通經史訓士有方著有羣言薈要及蘭石山房集姪鴻文淑文皆以詩文名鴻文著有筠碧山房稿淑文歲貢著有漱雪山房詩集

青陽縣志

章道鴻字黼卿青陽人乾隆甲午解元嘉慶壬戌成進士選庶常授編修著有華巖集

青陽縣志

吳翼成字禮園青陽人博習羣書工詩文善小楷行草八分大小篆諸體以附貢官中書舍人充

武英殿分校官因父歸田卽請假養親著有粵海集金粟齋文集

蓮海閒吟壺天小隱集

青陽縣志

鮑蘭皋字香畹青陽拔貢授州判署泰安府通判文詞典麗尤長於詩著有舞鶴山莊集役西吟小瀛州吟稿又嘗與其弟振飛唱和有湘江風雨聯吟

青陽縣志

王淑旦字穉明建德歲貢官含山訓導士心悅服爲立高山仰

止碑於環峯書院著有說易管見樸拙軒詩草

建德縣志

周榮光字懷臣建德歲貢爲學務實踐不求進取全祖望爲之

立傳著有研堂集鈔

建德縣志

王懋修字春田青陽廩貢署五河訓導訓士有方平生修身謹

言不與外事著有春田詩文集

青陽縣志

胡學宗字載霖貴池廩生通今嗜古不問外事著有廣同名氏

辨六卷賅括詳明實爲完備

貴池縣志以上舊志

施雲青陽副貢學問淵博著有下學記中庸解

青陽縣志以下新修

徐家純青陽歲貢修輯四書章句集注羣疏會要四十六卷

青陽縣志

縣志

章謙存原名天育銅陵人嘉慶元年孝廉方正任江蘇寶山縣

訓導襄籌賑饑多所全活著有備荒通論周官考辨鄭風考辨

銅陵縣志

桂青萬字為文貴池歲貢官宣城訓導工詩善書時有江東二

桂之目謂青萬與超萬也著有嘯月山房詩集陶杜詩說超萬

弟載萬太平府訓導著有存存詩草

貴池縣志

阮式玉字警菴貴池文生砥礪名節取與不苟工詩激昂慷慨

無靡靡之音著有添一廬詩集

桂復所撰傳貴池縣志

姚翔字鐵舟貴池廩生全稿不傳所著詩散見縣志及近人所

刻蘭言集池陽詩選集中

貴池縣志

夏思恬字少巖銅陵舉人官蕪湖訓導同治三年襄辦團練詩

古文詞卓然成家著有少巖賦草少巖全集

銅陵縣志蕪湖縣志

蘇佩字珩齊石埭庠生讀書好古學工吟咏晚號梅仙著有梅

仙詩集

石埭縣志

歐陽莪字季芳建德廩生博極羣書咸豐中倡團練保鄉里著有西溪詩文稿寸草軒詩集西峯外集各四卷土室集詩草二

卷

建德縣志

張際唐東流廩生髮逆踞縣境脅人畱髮際唐薙髮如常隱居

教授著有易義彙精八卷禹貢集解二卷陶軒雜組四卷

東流縣志

吳履敬字子肅弟式訓字子迪青陽人蚤孤依母舅代州馮志

沂居京師力學傭書養母並精小學善詩詞各著有稿尤能辨

別古書金石文字從平定張穆治經世之學張穆卒所著月齋

詩文集爲履敬式訓所編次攷校精當先後以苦學病卒

采訪冊

按池州府以詩文名者

國朝尙有貴池章應奇

諸生著環碧軒集

杜鎡

歲貢著四書講義詩文稿

王時舉

歲貢

鳳陽府訓導著四杜芳治拔貢沐陽教諭著四杜芳洽諸生

書請義及柯山集金山產集曹元愷香齋詩集晚李林著畫史

朝錄要舒庭交著以上舊志王麟趾國子監學正桂連瑄

等書錄桂樹叢詩年八十卒曹霖文生著居程汝梅拔貢香

詩鈔溪桂連琦一文生著得曹霖文生著居程汝梅拔貢香

以上見縣志新編後青陽吳秉肅著苑汪應明副榜著陳捷

新增者俱見各縣志孫思棠拔貢嶺南濱集陳有俊庠

華山志吳翊谷詩刪孫思棠拔貢嶺南濱集陳有俊庠

著一孫桂拔貢化州知州著小山詩姜元音庠生著周謝恆

峯集孫桂草子泉雯著洞天居士集姜元音庠生著周謝恆

祚歲貢著周徐元勳泉山房集章葆文撮要映雪樓集沈

含章諸生著松湖詩孫士鈞長嘯詩集陳壤舉人懷甯訓

詩陳塾廩貢著榆塞吹袁洲文舉人著曉滄沈正侯與袁故

書城袁江廩生著雙張名標歲貢著師陳秉烈增生著涉徐

詩草袁江廩生著雙張名標歲貢著師陳秉烈增生著涉徐

桂馨增生著尺園詩銅陵章廷鶚廩貢著詩部掄著易占四

桂馨增生著尺園詩銅陵章廷鶚廩貢著詩部掄著易占四

桂馨增生著尺園詩銅陵章廷鶚廩貢著詩部掄著易占四

桂馨增生著尺園詩銅陵章廷鶚廩貢著詩部掄著易占四

陳善講義 陳琦著古文偶存 三湖游 王道凝著四書講義

書杜賁璋常州訓導著環圖 胡承祝優貢訓導 張大觀知縣

所著者佚其子徵生編為 石埭陳世恩古思文集 陳芝歲貢

生詩 楊備生府學增生著 楊德碩文生著 以上新増 建德洪

暉烈舉人國子監學正 李肇球岸生著 以上舊志 楊玉輝文生

園齋唱酬集 劉煥文文生著 張觀曾訓導著 木石 徐德榮歲貢

一醉園詩集 以上新増 著槐軒詩集

太平府

梁周興嗣字思纂先世自陳郡徙居姑孰年十三游學京師遂

博通記傳善屬文天監初奏休平賦其文甚美拜安成王國侍

郎其年河南獻舞馬詔與到沆張率為賦以興嗣為工擢員外

散騎侍郎光宅寺成敕與陸倕各製寺碑及奏用興嗣所製自

是銅表柵塘碣北伐檄以韻輯王羲之所書千字並使興嗣爲文每奏稱善後佐撰國史歷給事中所著有皇帝實錄皇德記起居注職儀等百餘卷文集十卷

梁書本傳

唐陳商字述聖當塗人韓愈嘗稱其文語高旨深舉進士會昌中以諫議權知貢舉歷禮部侍郎祕書監撰敬宗實錄有文集

十七卷

韓昌黎集唐書藝文志

宋郭祥正字功甫當塗人母夢李白而生詩文有逸氣梅堯臣一見歎曰真太白後身也王安石亦稱其詩出於天才非學力所能舉進士歷知端州元祐初仕於朝階至朝請大夫歸老青山有青山集三十卷行世

宋史本傳

徐道繁昌人熙寧九年進士弟迪紹聖元年進士兄弟相師友爲文清麗皆長於詩蔡確宰繁昌築北園載酒邀寓公賦詩爲

樂迪有追和五古最佳邁亦有寄弟迪詩一時服其溫摯

萬姓統譜

宋詩紀事

江南舊志

石忬字敏若蕪湖人元符三年進士崇甯中又舉博學宏詞科

宋詩紀事宣和元年

中詞科官密州教授梁師成富事或勦忬一見忬愀然曰腐夫

弄柄恨未能手批蠹根奈何因取富貴遂被排擯自號橘林居

士卒年三十四初忬隨父禹勤彭澤尉任讀書三巖黃庭堅過

之爲銘其巖有曰橘林三少者謂忬兄弟也所著有橘林集

黃山

谷集

姓統譜

方汝疆字南夫繁昌人紹興庚辰進士不樂仕宦放懷詩酒今

所傳者有江上晚行及舟行和友詩絕似唐人風格

江南通志繁昌縣

志

張震蕪湖人能文章清裁絕世處允文破金兵於采石後知太

平州邀震至太白祠屬震爲記操筆立就曲折盡致絕無溢譽

愈器之又嘗爲縣丞題名記傳於時

太平府志

王栢蕪湖人與弟栢栢同領鄉薦栢尤力學獨不第進士受特恩監南嶽廟與崔與之樓鑰滕强恕交善自號仙居有仙居集

又輯蕪湖志五卷

太平府志

明周訥字無咎蕪湖人善詩古文永樂閒以求賢官襄陽知縣升禮部郎中轉太常寺少卿敕往福建取靈濟宮二真人回獻獅子賦詔旨褒美平生著作甚富應制諸什多爲人傳誦

太平府志

蕪湖縣志

劉瑞字伯玉當塗人永樂甲申進士選庶吉士復除晉府教授後又改閩縣丞談詩論文竟日忘俗人稱哦松先生致仕歸三十餘年未嘗輕履人戶著有虛菴集十卷

太平府志

夏宏字仲寬當塗人官松潘儒學教諭集唐人詩將千首屬對精切有聯錦集續集零金碎玉集行世劉定之爲之序

太平府志

鍾城字德卿當塗人少穎敏苦志積學成景泰甲戌進士歷官大理寺正著聲明允門舍蕭然累擢福建提學僉事江西提學副使士經品題者多爲令器晚歸鄉里讀書如諸生門下執經問難者踵接曾筆削太平府志

一統志太平府志

徐傑字興之繁昌人成化甲辰進士知淄川縣不數月以直指行部至縣傑但長揖遂挂冠歸惟以詩歌自娛書得魏晉筆意翰墨酬答人爭寶之遊於金陵魏國公引爲上客著有詩文集數十卷

太平府志

謝九成字鳳儀繁昌人嘉靖丙戌進士由重慶推官累擢吏部郎中年二十五投劾歸杜門卻掃於數千年掌故靡所不窺論

議皆關風教著有綱目前紀經史管見數十卷行於世

江南通志

平府志

潘謐字季詳當塗人萬厯壬辰進士殿試遇疾卒於京邸謐高才博學好登臨喜吟詠凡有所得一寓之於詩其所傳有弔謫

仙四絕至今膾炙人口

太平府志

張大有字若無蕪湖人負才名屢躋場屋遂棄舉子業鍵扉慕道參濂洛關閩奧旨詩文援筆疾書灑然自得著有放菴集晚

更旁通內典注楞嚴法華諸經

太平府志

王焯字次公繁昌人天啟開歲貢官金山衛教授詩文高古嘗

撫拾遺聞爲邑乘十二卷著有江干小草行於世

太平府志

徐士毅號白石繁昌歲貢知商水縣剛方不屈忤當道歸與王世貞李攀龍游詩文傾倒一時郡邑碑版序記多出其手

太平府志

胡茂學字海嶼蕪湖貢生貫穿經史收集法書名畫碑銘記頌

堆盈几案著有邑志略二卷東臯詩集若干卷

太平府志

徐人龍字九立當塗人性僻苦吟貧不諧俗善作擘窠大字著有郡志稿又有陸夢麟者留心掌故輯陸氏瑣聚一冊紀載郡事頗詳確後修郡邑二志多取裁焉

太平府志

國朝張畢宿字兆蘇當塗人順治丁亥進士知上高縣矢志撫綏比居林下詩字自娛著有淡吾慮集姪鶴博學善書著有兩松

稿

太平府志

曹臺珪字特臣當塗人博習羣書自經史子集以及二氏堪輿岐黃之術皆精入閩與文筆敏捷嘗與陳景昭侍御裁詩百韻擊鉢立就以國學授翰林孔目不就選著有四子宗原瀟灑堂

隨刻

太平府志

端肇震字燧承當塗歲貢與同邑歲貢孫麟定號姑溪二子康熙癸丑制府聘修通志二人與焉天文則獨出震手所著有史

記解

太平府志

俞邦奇字庸幼蕪湖歲貢家藏萬卷點竄無遺性孝友父事其兄兄怒輒予杖邦奇受之怡然父所遺貲悉以推讓所著有愚山文集六卷六書通義一卷卒之日爲書別友投筆端坐而逝

太平府志

施天驊字河采蕪湖廩生少負雋才無意干進嘗過夏沔浮沅湘作汗漫遊知名士無不縞紵贈投互相酬倡年未艾以疾卒江右施偉長客蕪久與天驊氣誼相得爲集其遺稿數種曰儼蘅集屬施閏章序之刊以行世弟天驕字次騏博學工文名與兄埒著有柯月堂集

太平府志

蕭雲從字尺木蕪湖副貢鍵戶力學工書善畫嘗寫屈子離騷
經與太平山水圖曲盡其妙郡守欲求其蹟不可乃於公牒入
其名鉤致之不得已爲圖四名山於太白樓壁年七十八卒乾
隆癸巳四庫館搜求遺書

高宗純皇帝見雲從九歌圖異之曹宮保文埴因以所畫卷進呈

御覽蒙

恩稱賞並紀以詩雲從自是不朽矣所著有易存韻通杜律細等書援

据甚確門人輯其殘編爲梅花堂道稿弟雲倩字小曼有俊才

子一暘亦工詩畫

一統志 江南舊
通志 蕪湖縣志

徐必泰字和珍當塗人康熙庚午舉人知桐鄉縣專尙德教而
馭吏整嚴人安其政甫一年告歸巡撫朱軾知爲經術士允其
請士民皆垂涕以送所著有經言茹實二十卷冠山文集十卷

太平府志

楊曦字待如當塗人康熙乙酉舉人官甯國縣教諭課士勤敏學宮久圯捐俸倡修增置俎豆禮器性至孝事繼母尤謹晚年丁繼母艱以哀毀卒所著有蕊淵耦亭二集問世

太平府志

楊熾字橫岳繁昌人工詩文青氈潦倒日事車塵驢背閒所作皆沈鬱激昂不襲齒牙餘論著有秋影軒詩齊魯游草東歸草牆東吟若干卷詩餘一卷既歿庠生徐若蘭爲之編次刊行

太平府志

府志

徐克范字堯民繁昌人性至孝母卒范溽暑寢苦枕塊家人請設簞帳不許著有易經演義讀史記十表補自好堂詩古文行於世

太平府志

汪起龍字非九當塗人肆力經史著有歷代人物考亦工詩惜

俱散佚僅傳懷古十二首

太平府志

吳立字禮存當塗歲貢天性孝友能文章丙午邑大水遵其父
斌志竭力蠲賑兄騫出守粵東以清操破產立命子本涵走數
千里齎金助之及本涵任新泰亦以家財畀之俾勿絲毫累民
居家獎掖後進多所玉成著有破壁齋集柳灣詩姑蘇山左游
草梅花百詠等集

太平府志

耿之珽字搢玉當塗人精易理不入城市者二十年著有易理
十二卷同邑陶制宜精研宋五子書尤粹於易著有學庸粹言

太平府志

王肇字紀修蕪湖廩生方正有守所著遊燕前後集居巢管窺
錄過秦草丹徒裴之仙攜去評次未幾裴亡遂散失惟手錄五
經纂要古文合選存於家

太平府志

王駿字神駒蕪湖人性至孝篤學嗜古才大而數奇旣屢躋棘

闈乃遊燕趙甌越閒藉名山大川抒其嘯歌激昂之概將以貢

授校官未仕卒著有枕畔吟聊存草春柳草堂諸詩

太平府志

趙泉字難涸當塗歲貢官桃源訓導性疏曠刻意攻詩雅善蘭

竹著有經籥一掇錄及栲栳堅白等集行於世

太平府志

施長春字淡吟蕪湖廩生性無他嗜惟見異書奇文不忍去手

又視友朋爲性命湖山樽俎之閒冒風雪不顧年甫三十卒兄

長裕彙次名流誄詞名之曰擲琴集所著有淡吟遺草蕉尾蘭

言等集及填詞古文數種

太平府志

吳銳字穎長當塗人康熙辛卯舉人高才博學工詩古文兼善

書法官江都教諭以宏博徵遠近名流咸引重焉同邑王三綱

字鴻士歲貢官黟縣訓導詩古文清幽夔絕與銳齊名著有梅

墩遺草

太平府志
當塗縣志

何應鼇字蒼持當塗人康熙戊辰進士選庶常試春歸詩第一授編修改祠部郎同官湯大輅爲人中傷鼇力爭得雪人多嫉之遂致仕歸捐其宅爲一邑會館居家杜門著述甚富

太平府志

潘鑄字有倉蕪湖增生讀書外無他嗜偶購得春秋世族譜一書其序言文氏族嗣出而未見有本因綜覈二百四十年匹配臧否著爲一編名春秋文氏世族譜殆可補杜氏所未備云

蕪湖縣志

縣志

洪鑾字步宸蕪湖人少負異才弱冠舉於鄉著有悔綺堂詩集質於長洲沈德潛德潛賞其詩序而傳之乾隆癸未成進士知博山縣擢東平州有政聲卒於官

蕪湖縣志

韋謙恆字慎旃蕪湖人乾隆丁丑拔貢迎

總召試一等

賜舉人授內閣中書癸未一甲三名進士授編修充一統志纂修官升

左春坊左庶子督學山東晉侍讀學士歷雲貴二省按察使晉貴州布政使護理巡撫印以失察謫戍軍臺旋蒙

恩宥補編修典試雲南歷贊善中允充

武英殿四庫全書提調以年逾六十與千叟宴蒙

賜金牌壽杖朝珠貂緞等物遷翰林侍讀典試陝西升國子監祭酒因

公鑄級復補鴻臚寺少卿以疾告歸未及束裝卒於京邸年七十七著有傳經堂文集十四卷詩鈔十卷瓦卮山房館課鈔存

二卷古文輯要八十卷

蕪湖縣志

張達字蕉衫蕪湖布衣遊於維揚有野田鑿破得宮井之句盛

傳於時人稱張宮井著述極富藏於家

蕪湖縣志

邵廷侃字秩青蕪湖諸生弟廷仕優貢中副車官含山教諭並能文章工書翰以異書名帖爲性命廷侃子士鐸拔貢授峽江丞以養歸兄弟父子登臨題詠哀然成帙人豔稱之

蕪湖縣志以上舊志

朱煌字蔚堂當塗人乾隆庚戌進士官廣西知縣有惠政罷官主講鍾山尊經書院與諸生講求實學以經義爲文章根柢於天文推測尤精

當塗縣志以下新修

朱滋年字潤木當塗拔貢官來安教諭品端學博爲皖省七豹之一

高宗純皇帝南巡第六次恭製賦冊進呈著有樹齋詩文鈔及纂輯五

雲軒賦南州苔岑兩詩略子德祺拔貢敦本務實著有畱餘軒

文集

當塗縣志

甘元箸字文超當塗歲貢幼孤事母至孝家貧課徒數十載訓

迪精勤里中知名士多從游焉

當塗縣志

王澤字子卿蕪湖人嘉慶辛酉進士由御史出知江西贛州府

告歸倡立義倉鄉塾著有觀齋集十六卷

蕪湖縣志

李兆蓉字鏡湖當塗監生著有天文地理輿圖考編輯齊香園詩

韻類考十二卷辨字五卷

當塗縣志

李慶英字一邨當塗舉人幼孤事母篤孝官湖北建始縣有聲

生平嗜學不倦詩古文擅絕一時

當塗縣志

胡遵昭字守亭當塗舉人博通經學兼精天文地理音韻句股

著述甚夥惜未竟所學而卒

當塗縣志

唐金門字竹香當塗優貢稟性高亢博通經史詩古文自闢蹊

徑堂弟金儀字子度拔貢生亦詩筆峭拔可誦

當塗縣志補冊

張元榜字杏村蕪湖人善書法有氣節喜究當世利病嘉慶間

遊廣西撰灘江紀游謂人曰不數十年兵事其自此始乎所著詩文有兩開草堂集十六卷兵閒散佚子善政蒐輯得二卷

縣志

孫登年字寄鶴當塗舉人官東流訓導廉靜嗜學尤精漢儒易

說著映雪堂易解

當塗縣志

黃富民字小田當塗人尙書鉞季子豪於詩以拔貢歷官禮部

郎中省親回籍不復出著過庭誓墓避弋萍軒等詩稿

當塗縣志

馬壽齡字鶴船當塗廩貢試用訓導以知縣用嘗主講鎮平縣

清陽東臺縣西溪兩書院盡心訓迪士論翕然生平矻矻著述

尤精小學著有讀段劄記懷青山館詩文集

當塗縣志

唐徵鏞字振甫當塗拔貢用教諭工詩畫楷字耿介不隨流俗

著有涵虛室詩草

當塗縣續冊

夏燮字謙甫當塗夏燮子道光辛巳舉人由青陽教諭改江西
宜黃知縣治尚清簡公事暇研心著述老而彌篤著有明通鑑
一百卷五服釋例二十卷述均十二卷中西紀事二十卷粵氛
紀事二十卷又校勘明陶安學士集吳應箕樓山堂集及

國朝汪萊算學遺書俱刊行其未刊者尚有漢書八表刊誤明史

綱目攷證明史攷異謝山堂文集等書兄燠諸生著有四聲切

韻表詳校當塗縣呈冊

按太平府以詩文名者

國朝尚有當塗金一鳴

舉人著雙桐閣集

胡成喜

歲貢著拂雲樓古文僅軒詩鈔

夏之

符

庠生著姑蘇備考

魯逢年

增生著采石山房集紅雨亭稿盤虛山志

曹綠

廩生著

王

鉞

庠生著寄愁草隨意錄

陶之鉞

廩生著四書辨疑廣蒙草

李鳴

歲貢著睢甯訓導著

蒙易解保產

徐彬

歲貢著柳山詩草

魯芳

優貢著

鍾泗傳

增生著

樓要諸書

碧山詩草

蘭遺稿

增生著

稿關已生諸生著考經廣訓續靈蕪湖張一如進士荆南道

集思閣張九如著知非杜時舉貢生知昌邑湯聖清貢生著周

湯聖侶庠生著陳應頻庠生著萬修庠生著王孔作

舉人中書歷官國子監學正潘岵庠生著王璐歲貢著中

著駿沙壽春金臺歸田諸草陶顯卿庠生著周汪元均舉人知

著夢蓮草宋紀進士知衡水縣有惠政著陶可循舉人知

堂造集子有恆寄廬集弟遺著松波遺稿陶可循舉人知

增舉人著南村集陶慎鏞優貢著胡聚奎貢生著王德

模山房詩稿楊和蘭文生著宦香室詩草蔡昌宣祖尼

著燕石集唾于恂諸生著宣葵庠生著和鳴集邢清貢著

韜王汪道燦增生手錄全史四十卷詳徐持庠生著徐抒

文數十卷陳全書以上舊志湯如金增生著蘭曉吟稿

重修安徽通志卷二百二十八

人物志

文苑七

廬州府

南唐伍喬廬江人居廬山國學數年力於學詩一夕見人掌自
牖隙入署讀易二字喬歎異取易讀之探索精微山中浮屠夢
仰見大星旁有人指之曰伍喬星也既覺傾資奉之使入金陵
舉進士及試畫八卦賦霽後望鍾山詩主司歎爲傑作覆試榜
出喬果爲首元宗亦大愛喬程文命勒石以爲永式仕至考功
員外郎有集一卷

南唐書本傳
十國紀年

宋姚鉉字寶之合肥人太平興國八年進士甲科淳化五年直
史館侍宴內苑應制賦賞花釣魚詩特被嘉賞淮西城中水壞

廬舍以鉉知州事徙於汝陽高原工畢加起居舍人京東轉運使徙兩浙路薛映知杭州不協撫鉉罪數條密以聞除名貶連州大中祥符五年會赦累授本州團練副使卒鉉藏書至多頗有異本兩浙課吏寫書亦薛映所撫中之一事有集二十卷又采唐人文章纂爲百卷名曰文粹子嗣復以書上獻詔藏內府授嗣復永城主簿幼子稱俊穎美秀善屬辭才十歲卒鉉紀其事爲聰悟錄人多傳之

宋史本傳

文道南廬江舒人與姚鉉善凌策幼時嘗往學焉晚司教涇縣遂居於涇其後裔曰士南曰榕曰中者皆以進士名家

甯國府志舊

志甯國府流寓新移

楊寅字審賢合肥人少有雋才慶厯二年舉進士京師試國子監皆第一既試崇政殿帝臨軒啟封見名喜動於色謂輔臣曰

楊寘也遂擢第一公卿稱賀爲得人授將作監丞通判潁州未

至官持母喪病羸卒先是其友夢寘作龍首山人寘自謂龍首

我四魁多士山人無祿位之稱我其終是乎已而果然

宋史孫唐卿傳

胥致堯合肥人少力學爲文辭官至左班殿直歐陽修誌其墓

子流以才能稱

一統志歐陽文忠公集

李冲元字元中舒城人紹聖中爲宜春司理獄訟哀息以賦詠

自娛嘗撰鞠城等銘刻石以傳黃庭堅每至袁郡必爲冲元留

數月而後去

廬州府志

李臺卿字明仲廬州人性介特博學強記有史學考正同異多

所發明知天文律數千歲之日至可坐而致蘇軾謫居黃州臺

卿爲麻城主簿後罷歸卒軾有詩弔之

一統志蘇東坡集

阮美成舒城人元豐中進士自戶部郎謫知巢縣爲政愷悌移

守柳州喜吟咏時稱阮絕句

江南通志

焦蹈字悅道無爲州人宗甯三年計偕後期遇南宮火命禮部改試蹈爲第一時口號云不因南省火安得狀元焦蹈首鄉薦

又由省元登第蓋三元云

一統志萬姓統譜

王之道無爲人剛直尙氣節與兄之義之深同科登進士第名其堂曰三桂著有相山居士文集二十五卷相山長短句二卷

宋史藝文志

萬姓統譜

阮閱字閱休舒城人建炎初以中奉大夫知袁州所著有松菊集其在宣和時曾知郴州著有郴江百詠今逸其八又著有詩

話總龜前集四十八卷後集五十卷

四庫全書提要

元潘純字子素廬江人少有俊才嘗著卦辭諷切當時幾中禍亡去寓居東吳以觴詠自娛詩極精麗其錢塘弔岳武穆詩最

爲當時傳誦

江南通志
廬州府志

明郭奎字子章巢縣人少從余闕治經闕亟稱之青陽遺集其所藏弄也明初參朱文正軍事坐文正事死詩歌悲壯宋濂趙汴爲序其望雲集

明史王冕傳
江南通志

潘植字公年廬江人洪武時以秀才舉判廣安州公勤廉介尤

長於辭翰著有擊壤集

廬州府志

秦鳳字子儀舒城人建文庚辰進士知興山縣奏免秋糧并紅

馬船時兵強民弱子女有爲夷陵軍掠爲奴婢者皆爲贖取民

甚德之擢給事中以言事改衛輝府同知卒於官鳳當永樂時

所著有太平歌皇禎祥詩營建宮闕賦後又著洪熙輔政策二

十五道高岡遺稿藏於家

江南通志
廬州府志

邢寬字用夫無爲人永樂甲辰進士廷對策祭祀兵戎考究詳

明議論醕正擢第一開科以來江北士占名第一者自寬始授

修撰進侍講正統朝纂修宣廟實錄後升學士

萬姓統譜
江南通志

程式字元一合肥人伊川先生長子端中宋靖康中知六安軍

子孫有家廬州者式其裔也永樂閒領鄉薦以楷書應辟爲宛

平令多善政晚年精通易理著有易理通解

廬州府志

祝富字堯臣舒城人博學工詩成化會試乙榜除伊陽教諭三

校省闈由國子學正遷伊府長史悉心輔導時宗室以事忤王

力爲辨解聞於朝進階旌之所著有默菴集

江南通志

高誨字廷弼合肥人宏治辛酉舉人知青城縣升萊州府通判

擢知養利州辭不赴家居清素耽詩賦有泰山攬勝諸刻

廬州府志

黃道年字延清合肥人隆慶辛未進士歷知南城天台擢知漢

州皆有惠政解組後怡情山水不問生產貧交待以舉火者甚

眾著有中庸正解二十一史駁浮槎山房詩稿行世

廬州府志

王菴字侶葵台肥人兒時言笑不苟及長究心濂洛之學以恩

貢任主事權關臨清悉屏陋規著有書經便覽海內宗之

廬州府志

朱道合字敬之無爲人好學工書藏書萬卷手自讐校丹黃殆

遍著有看劍集

廬州府志

郭士豪字光斗舒城人嘗刻燭咏蝶頃成百首時稱爲蝶公性

至孝母病目劇日以舌舐之竟復明母姓葛終身不復衣葛晚

以明經特薦任御史仕至金衢兵備道著有四書口義金滕易

參五先稿行世

廬州府志
舒城縣志

季孟蓮字叔房無爲人博覽羣書詩詞工麗山陰王思任極推

重之又嘗與董其昌陳繼儒等同刻詩集見稱於時晚構月當

樓積書其中批閱不輟

江南通志
無爲州志

孫判字子楚合肥人著述甚多所纂廬陽文獻志頗得史家遺

意

廬州府志

黃道月合肥人萬厯丙戌進士官中書舍人風神俊朗詩文清

妙弟道日舉於鄉書翰爲世所珍

江南通志

王永年字雪壺廬江人以恩貢官中書舍人博雅工詩文喜獎

掖後學歲旱盡焚質券著有雪壺集

廬州府志

王寢大字幼章合肥人崇禎丁丑進士事繼母撫異母弟五人

內外無閒言乙亥守城親冒矢石擢南吏部郎居家捍衛鄉里

規畫荒政具有幹略其學尤長於史著有春秋說史綱鈔累數

十萬言

一統志 廬州府志 江南通志

崔冕字貢收巢縣人嘗就史傳詳加緝閱得複姓三十四單姓
九百七十二聯屬其文爲千家姓文一卷蓋以俗所傳百家姓

無文義故作此書頗為雅馴如皋冒國柱為之序并為之注

全書存目

國朝龔鼎孳字孝升合肥人父孚肅工詩文善書畫歲饑倡賑多所全活鼎孳成前明崇禎甲戌進士歷官兵垣我

朝以原官召用累遷左都御史再謫再起復都憲晉刑兵禮三部

尚書博學工詩古文士林推之卒諡端毅

一統志 江南通志 廣州府志

許裔蘅合肥人拔貢著有二樓集

廣州府志

陸龍騰字雲樓巢縣歲貢王士祿馬世俊咸推重之詩文書畫

皆有聲士祿寄書云昔探微著稱於繪事內史擅美於詞章不

謂閣下乃復兼總眾妙各臻峯極所著有柳浪草河干吟雲樓

集

廣州府志 巢縣志

王袞字石倉合肥人康熙辛未進士知商河縣邑故多盜持法

嚴恕四境肅然以終養歸事母至孝著有冰壑堂集行世

廬州府志

李菖字中沚合肥人篤行好學性恬退不樂仕進妻陳氏因流寇入室不辱死菖不再娶所著有辰懷軒詩文集行世其未刻

書尙十餘種

廬州府志

李孚青字丹壑合肥人大學士天馥子年十六成康熙己未進士授編修充

政治典訓

王牒類函明史四館纂修以父艱歸不復出詩格似韋蘇州著有野香

亭集盤隱山樵集

一統志

孫維祺號起山康熙辛未進士歷知河閒涿水二縣解組歸惟以著述自娛性至孝居母喪啜粥茹素裏衣皆粗布爲之迺寒

不易

江南通志

盧雲英廬江人明盧烈愍謙之曾孫謙在永豐曾刻五經圖雲

英復釐定增補重編十二卷凡所改正者五百餘處

四庫全書存目

吳元桂字秋岳無爲人孤貧嗜學豪於游不樂仕進歷三巴溯

兩浙入都門足跡半天下而詩益富著有振華齋集又輯

昭代詩鍼濡須詩志行世

廬州府志

田寶發字玉禾合肥人雍正庚戌進士善詩古文辭困於諸生者數十年及聯捷登第已六旬矣官徐州教授著有玉禾詩集

綠楊亭詩餘行世

廬州府志
合肥縣志

王漣字修湖合肥人父華本休甯諸生卜居合肥漣五歲能文性孝居母喪哀毀骨立乾隆癸酉舉於鄉以親老不赴公車所

著有四書正義易經正義還讀堂詩文集

廬州府志

黃培字載鍾廬江人少穎慧下筆千言立就長益覃思經籍既

成進士即歸里教授性和易無圭角而義利之辨甚嚴著有斗

南閤文集香巖續集廬州府志

侯坤字礪石無為拔貢官兩廣鹽經歷署廣州通判潮州鹽運

分司卒於官坤初館京師最久詩古文辭傾動一時書法最得

董意廬州府志

汪有典字啟謨無為庠生博通經史嘗考前明忠義事跡各為

立傳著述甚富廬州府志以上舊志

王時柄字子樞合肥增生攻苦積學尤邃經史詩追漢魏著有

羣經積疑及詩古文集合肥縣志以下新修

趙席珍字響泉合肥舉人官旌德教諭詩文磊落不羣著有寥

天一室詩鈔合肥縣志

楊欲仁字體之巢縣進士歷官江蘇知縣著有孝經集解四書

精義

集縣志

周大槐字海樵合肥歲貢道光初元舉孝廉方正名與婺源齊彥槐相埒時稱江南北二槐汪廷珍謂南槐春華北槐秋實著

有海樵文集

合肥縣志

夏雲字奇峯合肥庠生能詩尤工古體著有曾園詩集

合肥縣志

黃金臺字篠岑廬江副貢建平教諭覃心古學詩宗漢唐著有四書說六經說篠岑詩古文鈔

廬江縣志

張超字萊山無爲舉人著有春秋字訓儀禮節釋兩射車制律

呂圖等編

無爲州志

汪景頤字希正舒城歲貢文追漢唐學宗濂洛著學庸困知錄

三卷子洪元能古文有經義數十篇

舒城縣志

徐漢蒼合肥庠生喜吟咏著有碧琅玕館詩鈔咸豐三年派河

遇賊斫其面絕而復蘇年七十餘卒合肥縣志

按廬州府以詩文名者

國朝尙有合肥秦咸歲貢著渾影堂集前後燕遊草秦篆諸生著抹雲亭集以上舊志夏振

祖海州學正著散黃誥東明縣丞著王會龍舉人著藝圃集偶存詩鈔

朝聘進士著賢王永烈拔貢著賞雨茅屋詩集趙璠廬貢出郎中官知府詩藁素以詩記

李春浙江同知著燕譚琨拔貢教諭著蔡邦霖歲貢著浴臺詩草游草盧

先駱進士廣東知縣著王埏副貢河南州判著笑園詩存吳克俊監生著羅著循蘭館詩存

史臺懋監生著浮槎張延邴恩貢著甯集李汝琦副貢著靜山房詩鈔

葉世乾監生著晚黃觀光庠生著帶經甯鍼廩貢著燕王世祿文生著愛亭詩鈔

祿文生著愛亭詩鈔以上見縣志盧江夏起敏諸生著霜

孫宗灝歲貢著周易本陳延炯歲貢著鑒亭集李光枚恩

貢著四書著李光瓊貢生著賦新酬集李光瑜教諭著百書漸

貢著四書著

古張文榮恩貢著網唐肇文生著盧王鳳翥恩貢著學

詩話龍壽山王鳳喈賦續囊集章煒進士吏科給事中著陶

房詩文集王鳳喈賦續囊集章煒進士吏科給事中著陶

增舒城孫昌裔副貢著任光世舉人著任銓廩生著樂庵集

許登逢工書法著青任自舉歲貢當修肝貽志著胡傳質疑

集任鳴盛舉人著紅趙士純歲貢著一聚齋詩無為沈志彬

進士著燕王履同進士著吳寬賀縣知縣著趙獻可廩生著

臺遊草何大觀貢生著陳廷樂諸生著鍾成樂諸生著向友齋

筆談吳世基進士著朱瑞昌廩生著楚遊湯士珪歲貢著山

傅時因諸生著金焦吳之聯著南樓劉寅廩生著踵沈邁諸

著則雪何鳴諸生著何天復諸生著錢琯諸生著沈可一

諸生著韋國鳳歲貢阜甯縣訓導著倪璜庠生著四揭一卷張

賓歲貢著四書上音張均著經史辨論辨訛釋蔣一鑑廩貢

重修安敷直志卷二百三十八人物志文苑廬川府

子章句

吳元慶

進士主事著韻古軒詩稿以上新增

巢縣錢璋

庠生著桂香書屋詩集

李璋

布衣著煮雪草堂詩集

陳毓賢

府學生著古近體詩二十卷

周兆權

著鑑溪詩草

新沐

府學歲貢著溪湖詩草以上新增

鳳陽府

漢史岑字子孝一字孝山沛國人王莽末以文章顯莽以為謁

者所著有出師頌凡頌誅復神說疾其四篇

後漢書王隆傳及章懷太子注

魏嵇康字叔夜譙國銍人其先奚姓會稽上虞人以避怨徙焉

銍有嵇山家於其側因而命氏兄喜有當世才歷太僕宗正徐

州刺史康早孤有奇才與魏宗室婚拜中散大夫嘗修養性服

食之事著養生論又為君子無私論寓居山陽與阮籍山濤向

秀阮咸王戎劉伶友善號竹林七賢山濤將去選曹舉康自代

康作書拒絕之東平呂安與康善安為兄所枉訴并收康鍾會

與康有隙譖之文帝遂遇害時年四十

晉書本傳

晉薛瑩字道言沛郡竹邑人太子少傅綜次子也孫皓立太子又領少傅後坐劉定事下獄右國史華覈上疏曰瑩涉學既博文章尤妙同寮之中瑩爲冠首皓遂召瑩爲左國史吳天紀四年晉軍征吳皓降瑩至洛陽特先見敘爲散騎常侍太康三年

卒著書八篇名曰新議

三國志薛綜傳

嵇含字君道喜之孫康之從孫也好學能文舉秀才除郎中時王粹以貴公子尙主館宇甚盛園莊周於室使含爲讚含援筆爲弔文其序曰畫真人於刻桷之室載處士於進趨之室可弔不可讚粹有慚色含後歸劉宏於襄陽宏欲表爲平越中郎將廣州刺史會宏卒含素與司馬郭勣有隙夜掩殺之懷帝卽位

謚曰憲

晉書嵇含傳

梁劉顯字嗣芳沛國相人父駿官晉安內史顯幼而聰敏當世號曰神童天監初舉秀才好學博涉多通任昉嘗得一篇缺簡書書字零落諸人莫能識顯云是古文尙書所刪逸篇昉檢周書果如其說沈約於坐策顯經史十事顯對其九名流無不推賞魏人獻古器有隱起字顯案文讀之無有滯礙考校年月不差一字高祖甚嘉焉歷官平西諮議參軍加戎昭將軍梁書劉璉傳劉穀字仲寶顯從弟也儒雅博洽善詞翰隨湘東王在藩十餘年寵寄甚深當時文檄皆其所爲位至吏部尙書國子祭酒魏克江陵入長安南史劉璉傳

陳劉師知沛國相人祖奚之齊諮議參軍淮南太守有能政父景彥梁司農卿師知博涉書史工文筆臺閣故事多所詳悉紹泰初高祖入輔以爲中書舍人掌詔誥高祖爲丞相加九錫受

禪其儀注並皆師知所定世祖立敕撰高祖起居注爲十卷

陳書

隋劉臻字宜摯顯之子也年十八舉秀才元帝時遷中書舍人江陵陷周宇文護辟爲記室軍書羽檄多成其手封饒陽縣子高祖受周禪進位儀同三司高穎伐陳以臻隨軍典文翰進爵爲伯臻耽悅經史精於兩漢書時人稱爲漢聖有集十卷行世

隋書本傳

元楊叔幹字立之定遠人少有才名博覽強記登省元入翰林

益著聲望

江南通志

明胡敏字伯成定遠人洪武己卯舉人永樂時與修大典歷營繕司員外郎以事謫盧龍宣德初授鄞縣知縣操己端方臨事剛果盡革宿弊民無科擾尤以典學爲念邑人慕之後官至監

察御史

浙江通志
江南通志

周常字茂永定遠人永樂壬辰進士歷任福建河南僉事所至

風裁凜然性敏悟日誦萬言爲文章下筆立就長於詩

江南通志

苗衷字公彝定遠人永樂辛卯一甲二名進士授編修預修宣

廟實錄屢典文衡正統初楊士奇薦爲經筵講官歷升兵部侍

郎入內閣典機務進兵部尙書致仕卒贈少保謚文康著有雪

窩稿史閣記聞歸田錄

萬姓統譜
江南通志

柳瑛字廷玉臨淮人天順乙丑進士授戶科給事中擢河南按

察司僉事致仕歸家居好讀口吟手披不輟所著有明朝大禮

一書中都志凡六易稿積三十年而後成

鳳陽縣志

凌耀宗臨淮人以博學宏詞授中書舍人升禮部員外郎侍經

筵天順間預修一統志

萬姓統譜
江南通志

黃淮字仲甫定遠人博覽羣書著有通鑑輔義

江南通志

顧伯謙字有終臨淮人宏治壬子舉人學本六經居鄉孝友著

有起亭集

江南通志

徐養相鳳陽人嘉靖丙辰進士所著有禮記輯覽八卷

四庫全書存目

任文石字伯介宿州人嗜古學工詩賦以歲貢司訓維揚尋退

居相山著有相山志藕花墅集

江南通志

陳玠字貴和定遠庠生隆慶初欲條陳時事上之朝嫌於越分

至京而反著有七經待問錄羣史集要依永一知及古今文字

記

定遠縣志

楊尙渾字無鑿懷遠人少隨其大父嘉猷靖邊任黃台吉三娘

子臨邊邀賞尙渾啟嘉猷疏其不可謹斥堠以待之歲省金錢

以萬計督撫以邊功題敘酌用不就居家究心典籍構逸我齋

岫雲小閣儲古今書數萬卷所著有片月樓稿岫雲閣草桐城

相國何如寵爲敘之

懷遠縣志

張雲漢宿州人博學多才著有閔子世譜十二卷

四庫全書存目

王守謙號鳳竹靈璧人以歲貢歷清河教諭博極羣書多所著述致仕歸年逾八十流寇攻城猶率子弟登陴拒守隨筆紀事所著有小隱稟爽言其喚世編爲縣令蘇一圻借鈔遂攜去不

傳

靈璧縣志

趙炯然字心陌壽州諸生父某明季被寇執不屈死炯然負異才七歲能爲詩於學無所不窺文字奇古尤邃於術數兵法甲申之變北望嘔血死著有大明中極八陣鈴筭支極思集若干卷藏於家其已刊者惟息壤集三卷

壽州志舊志

國朝道光九年准祀鄉賢祠

壽州新志新增

國朝丁啟明字東有宿州諸生被誣遭吏議以詩見知監司獲解

詩名益振

江南通志

任柔節字定之宿州歲貢隱居相山之麓閉戶研索絕意仕進

工著作喜吟咏有詩文數十卷龔鼎孳熊伯龍等咸推重之

通志

宿州志

胡梅定遠人明東川侯海裔孫侯喜藏書至梅猶存十七萬卷

遂徧觀之爲文與詩皆不肯蹈襲前人一語著有臥嶺自訂集

同邑馬紹周與梅友每借書讀之著有唐宋閒十國志對山四

部稿

定遠縣志

熊時定字六貞鳳陽歲貢性耽吟咏冥搜鍊句必出人意表著

有春秋四傳合注十卷三才考異四卷假山堂詩文集若干卷

藏於家

鳳陽縣志

楊懌字牖民懷遠人父簡字汗青乾隆丙辰進士選庶常散館後遂不出懌以拔貢授潁上訓導訓課甚勤積勞成疾卒於官著有洛川古文集洛川詩集

懷遠縣志

李敦字養純鳳臺廩生篤志勤學藏經籍數千卷性孝友父病侍湯藥衣不解帶者數百日父歿遂以哀慟成疾卒著有養純

詩集

鳳臺縣志

宮樟字喬望懷遠人乾隆己酉拔貢授阜陽訓導以卓異保舉知建安縣愛民如子上官知其廉勤將申薦牘遠以母老乞養歸未幾卒樟善讀書工詩文官訓導時阜陽有西湖之勝每攜友朋登臨賦詩著有二石軒稿

懷遠縣志

余陳烈號芥舟壽州人以明經任天長休甯桐城學博天長饒上官委之賑立法嚴明吏不敢欺既去民攀轅而泣乞養歸築

荆樂園別墅日與昆季吟咏其中著有荆樂園詩文集法時帆式善詩話陳古漁穀所知集皆採入之

壽州志

鄧宗源字濬川壽州人乾隆丁卯舉人由甯國府學訓導截取

知縣改授翰林院待詔所著有宛陵詩草

壽州志

方仙根壽州歲貢選訓導辭不赴惟以經史圖籍自娛尤邃於

理學著有四書講義

壽州志

孫嘉瑜字吟秋壽州人自童時學爲韻語金壽門農見而奇之性敏涉獵書史一覽不忘歷遊江淮詩益進著有景梅山房集

壽州志

凌和鈴定遠諸生與兄拔貢和鈞並有詩名著有牧嵐小草學

使朱竹君筠爲之序

定遠縣志

張佩字鳴珂壽州庠生工書精篆刻於書無所不闕考訂金石

文字足資考證詩法東坡客遊半天下至輒傾其座武進李兆洛所選小山嗣音多採其詩

壽州志

蕭景雲字亦喬壽州人道光元年舉孝廉方正未及赴都而卒工書善詩喜遨遊涉富春登會稽歷括蒼赤城盡攬浙東西之勝歸而鍵戶著述家無宿儲泊如也少受知於東武竇東皋爾寶官浙江學政時延入幕有袖千金乞關說者怒而揮之著有

招鶴堂詩文集

壽州志以上舊志

王鼎字禹夫鳳陽歲貢好學敦品工籀篆精壬式著有四書詮解淮河源流江南水利諸書又著春秋翼注缺哀定二公歲貢蔡以綸續成之以綸著有翠竹軒詩草

鳳陽縣志以下新修

胡寶光字硯備鳳陽臨淮鄉歲貢孝友篤學著有讀書勝錄十

友軒詩草

鳳陽縣志

仲友連字景僊靈璧諸生博涉羣經尤精易理爲尙書沈德潛所器重中年嬰目疾遂棄舉業著有詠風草堂古近體詩六卷子三人緒超緒超均歲貢緒起拔貢選授黟縣教諭均承家學能文章超著有黃雪軒詩稿六卷

采訪續冊

林士佑字保卿定遠人父晉奎山拔貢歷官貴州同知著洗蓬山人集士佑爲名諸生隨父之官清操自勵四十失耦義不再娶亦無妾侍著瀟湘詩賦草各二卷

懷遠縣志

許所望字叔翹懷遠增生於書無所不讀足跡半天下關山之阨要河渠之通塞靡不究悉而尤長於詩紀游詠物諸作膾炙人口年八十餘卒

懷遠縣志

楊承啟字振之懷遠拔貢家貧假人書讀之日盡數函著有鋤

月山房詩集

懷遠縣志

楊榮袞字竹士懷遠歲貢工詩及駢體文致力天文句股之學

繪分野圖輯算學舉隅著夢同齋詩集詩餘詞餘

懷遠縣志

湯若荀字穎川懷遠舉人著有詩文集史論水經注金石考諸

書

懷遠縣志

余陳猷字鳧舟壽州貢生著有音韻識略培遠堂詩稿

壽州志

凌泰封字瑞臻定遠人嘉慶丁丑一甲第二名進士由編修歷

官浙江杭州府知府咸豐五年卒著東園詩鈔

定遠縣志

方士淦字蓮舫定遠增生嘉慶丁卯淀津

召試舉人山內閣中書歷官浙江湖州府知府辦災賑修石塘有治聲

績事成伊犁尋釋回撰東歸日記生還詩草蔗餘偶筆

定遠縣志

孫克佐字竹田壽州優貢嘉慶戊寅淀津

召試二等咸豐初官歙縣訓導著有字學尋源耕漁小憩秋窗蟲吟等

集壽州志

孫國榮字逸亭壽州增貢藏書甚富考訂金石文字編次成帙

著有白雲草堂文集香谷詩鈔詩餘讀畫樓瑣記壽州志

孫家穀字小楚鳳臺廩生歷山東甘肅知府道員用能詩精篆

隸著有吉金貞石齋文集一枝巢詩詞鈔卒

贈太常寺卿壽州志

趙正欽字文明宿州諸生沈潛經學著有學庸辨疑錄宿州志

孫長和字小雲壽州廩貢咸豐初元舉孝廉方正歷署池州府

教授黟縣教諭並得士心善隸書能詩著有懷雨樓詩集弟翼

祖字蕉圃著有周易貫指亦名周易通壽州志

按鳳陽府以詩文名者元尙有定遠朱丙鄉貢著文辨明尙有懷

遠張棐孟津縣教諭著龍城集梅和羹著毛詩括韻方燦庠生著毛詩四書講義通鑑纂要詩

重修安教直志卷三十八人物志文苑鳳陽府

書 呂養性 生序生著寄 定遠黃清 著蛙鳴集梅峰隨筆諸書

國朝尙有鳳陽田大璽 進士歷知尉氏永安 李方華 歲貢著燕翼堂詩鈔

殷從南 歲貢龔榆訓導著四書周 高曾祝 歲貢著強恕齋詩草 任玉書

貢生著琴軒詩稿 以上見縣志 懷遠閔煥 歲貢桃源訓導著詩集于大全

新增後新增者俱見各州縣志 楊樹善 歲貢著詩文集

斧斯集及詩古文集 孫玠 詩州同知著 沈桂 著自怡小草

於家志 以張之藻 中詩草 朱樞 增生輯孝錄 姚肇修 歲貢著退思軒詩稿 宋敬

滕立言 貢生著石 朱學孔 歲貢著艾 姚肇修 歲貢著退思軒詩稿 宋敬

修歲貢著修 陳德馨 文生著佩 魏維廉 監生著介 林士綸 貢

著湘鄉詩稿 定遠王溥 舉人中書著 陳元中 著拙可詩 陳龍

夔廩生著紅雪 王璠 舉人著古堂詩鈔其兄俊好古精篆書

讀而詳 方玉垣 著叢桂堂集 方銘彝 舉人郎中著 方士儒 廩

教諭著四持軒詩 壽州王恬 副貢著古今 劉恬 貢生著曉齋

珠庠生著周簠諸生著曹子龍廩生著孫克

依貢生有義行著孫克修浙江鹽大使著孫清散教習

著碧雲山房詩集孫樹南舉人著孫桂森貢生著

香乘土音釋詁孫貫有孝行親歿茹素終劉濂著周元

甫著意山園詩集以上新增鳳臺劉錫祉歲貢著方德注歲

孝廉方正著江之湘歲貢著以上新增宿州丁津諸生著

樓詩集周開農歲貢著徐資著周開官廩生著

山堂文集以上舊志靈璧王蘊渠江蘇海防同知胡廷璋

八卷以上新集以上舊志

穎州府

魏曹植字子建沛國譙人操之子也年十餘歲善屬文鄴銅雀

臺新成使爲賦援筆立就建安十六年封平原侯十九年徙封

臨淄魏受漢禪黃初二年貶爵安鄉侯改封鄆城侯三年立爲鄆城王太和元年徙封浚儀二年上書求自試三年徙封東阿上疏求存問親戚六年以陳四縣封爲陳王卒年四十一謚曰思所著賦頌詩銘凡百餘篇

三國志本傳

曹冏字元首譙人中常侍曹騰第三子叔興之後魏之宗室也齊王芳立幼弱元首知魏祚將移於司馬氏作六代論舉夏殷周秦漢魏已事欲以感悟曹爽爽不能納

三國志注引魏氏春秋昭明文選注

晉曹志字允恭譙人植之子也少好學以才行稱兼善騎射植立爲嗣改封濟北王晉受魏禪降鄆城公以爲樂平太守在郡上書宜尊儒重道請爲博士置吏卒咸甯初詔曰鄆城公曹志達學通識宜在儒林以宏胄子之教其以爲散騎常侍國子博士遷祭酒齊王攸將之國志怡然曰安有如此之才如此之親

不得助本宣化而遠適海隅乎乃奏議以諫帝大怒免志官頃

之復以爲散騎常侍遭母憂居喪過禮因病卒謚曰文

晉書本傳

夏侯湛字孝若譙人祖咸魏兗州刺史父莊淮南太守湛幼有

盛才文章宏富善構新詞美容觀與潘岳善京邸謂之連璧泰

始中舉賢良方正拜郎中累年不調乃作抵疑以自廣後補太

子舍人出爲野王令政清多暇作昆弟誥在邑累年朝野多歎

其屈除中書侍郎出補南陽相惠帝卽位以爲散騎常侍卒年

四十九著論三十餘篇別爲一家之言弟濟字孝冲亦有文藻

官弋陽太守子承字文子渡江參安東軍事遷南平太守王敦

舉兵內向承與甘卓柳純等露檄遠近列敦罪狀會王師敗績

敦敗承欲殺之外兄王廙苦請得免尋爲散騎常侍

晉書本傳

曹毗字輔佐譙人魏大司馬曹休元孫父識右軍將軍毗少好

文籍善屬詞賦郡察孝廉除郎中父憂去職服闋徵拜太學博士時杜陽張碩遇神女杜蘭香毗以二篇詩嘲之并續蘭香歌十篇甚有文彩又著揚都賦亞於庾闡遷下邳太守以名位不至著對儒以自釋累遷至光祿勳卒凡所著文筆十五卷傳於世

晉書
本傳

唐王建字仲初潁州人大歷十年進士工樂府歌行作宮詞百首初爲渭南尉值內官王樞密者盡宗人之分後及過飲語及漢桓靈信任中官起黨釀之事樞密憾之乃曰吾弟所作宮詞天下傳誦禁掖深遠何以知之建懼乃作詩以贈之有不是宮家頃向說九重爭遣外人知之句遂脫其禍太和中官陝州司

馬

全唐詩話
唐詩紀事

宋傅瑾字公寶汝陰人任蔡州助教力學強記尤達於字韻奉

先克孝與鄰喜施教李端愿以尙名節養器識爲先著有字
林補遺十二卷音韻管見三卷聞見錄十卷李端愿爲銘其墓
萬姓統譜

王回字深父父平原試御史官潁州卒葬汝陰遂家焉回敦行
孝友舉進士中第以學行見知於歐陽修薦授將作監主簿弟
向字子直爲文長於敘事戲作公默先生傳以自警仕止主簿
弟問字容季亦善爲文

宋史常秩傳
潁州府志

焦千之字伯強汝陰人屢舉進士以文學受知於歐陽修呂公
著通判潁州延教諸子諸生小有過失端坐召相對竟日不與
語恐懼畏服始略辭邑熙甯中舉遺逸授集賢校理知無錫
州

阜陽縣志 按無錫宋
縣元升爲州此疑誤

周子雍汝陰人學詩於陳無已大觀初京師元夕張燈時再復

湟郡徽宗賦詩賜羣臣云午夜笙歌連海嶠春風燈火過湟中
開封尹宋喬年不能詩走介求援於子雍得句云風生閭闔春
來早月到蓬萊夜未中爲時所稱客齋四筆

王鈺字性之汝陰人高宗南渡時爲浙西幕僚作守備策干言
上之時帥後悉驗焉詩法最近溫李建炎中爲樞密院編修官
著有續清夜錄默記雪溪集宋史藝文志 宋詩紀事 江南通志

王廉清字仲信鈺長子秦煥倚父勢移書郡將欲取其先世藏
書且餌以官廉清拒之曰願守此書以死不願官也煥不能奪
而止著有京都歲時記廣古今同姓名錄補定水陸章句新乾

曜真形圖

宋詩紀事 江南通志

王明清字仲言鈺次子慶元閒寓居嘉禾官泰州倖有史才所
著有揮麈三錄投轄錄玉照新志清林詩話

津逮祕書 宋詩紀事

金劉瞻字岫老亳州人天德三年南選舉人爲史館編修自號

嬰甯居士有嬰甯集行世

穎州府志

明邢嵩字維嶽穎州人博雅邃經學以貢入太學祭酒湛若水

器之官黃州府通判穎後進多從學焉著有佐黃集

穎州府志
阜陽縣志

紀鏞字大器太和縣人成化丁未進士選庶常授檢討未幾卒

著作甚富邑經劉六之亂蕩然無存藝林惜之

太和縣志

張爍字汝明穎州人讀書一覽不忘嘉靖戊子舉人知太湖縣

旬日而返嘗曰武功如衛霍文章如李杜花閒露耳所著成輒

棄去其感懷云汗漫多情淹客住尋常有酒對花閒雅有淡致

江南通志

王尙循字淡父穎州人爲詩常廢寢食人皆笑之乃哀集其詩

千餘首名之曰由粲集少時跡弛不羈父給諫謨患之忽奮筆

題楹曰過也如日月之食復其見天地之心自是折節讀書人

比之周孝侯云

江南通志

王文炳字汝變潁州歲貢爲揚州教授升縣令詩筆濃郁有聲於時著有綠玉軒集略六卷宮詞游仙詞各百首子埏亦善行

楷書

潁州府志

夏之臣字一無亳州人以進士官河間知縣有治行縣人祠祀之擢御史出巡湖廣挂吏議歸闕園南郊吟咏自娛如醉客有時覓路入園丁返日報花開具有超然物外之致

亳州志

陳所履潁上人以歲貢歷建平教諭善吟詠著有廣陵逸韻集同時申大志潁州舉人知榮澤縣未幾致仕著有樂飢集

潁州府志

王寔洽字仁子亳州恩貢年十五餽於庠屢困場屋天啟元年赴吏部試擬授知縣未補官而卒詩以纖麗爲工著有嬾園漫

稿五卷

四庫全書存目

王養廉字維張潁州人天啟壬戌進士賦詩自娛未嘗問戶外事後官行人著有陽春館集

潁州府志

李東生字屬春蒙城舉人沈潛理學事母極孝著有退修菴集同時高翼耀潁上歲貢知懷仁縣著有嫺嫺集十卷

潁州府志

國朝蘇銘字懋旂潁州人順治甲午河南舉人以著述爲事所評選莊騷史子及列朝詩文集精當不易晚授涇縣教諭卒於官同邑劉體謙歲貢嘗憫潁遭兵燹載籍散失搜羅纂輯著成衛

乘一編

潁州府志

孫紹字子啟潁州諸生善詩文與俗異趣嘗冬日無襦所居風雨不蔽陶然自得著有青崖居集同邑諸生湯敬躋博學能文

著有濯秋園集

潁州府志

劉志圻字禹甸穎州拔貢書法得虞永興筆意所著有詩文集

又嘗手注周易春秋性理史記及陶杜諸詩集

穎州府志

高澤生字孔霖穎上諸生數奇不偶乃南遊吳越踰嶺南歸以

著書自娛所著有穎上風物記三卷南遊日記四卷

穎上縣志

吳楚奇字南英亳州人康熙壬午解元工詩善畫嘗遊吳越過

彭蠡豫章所歷輒繪圖賦詩有游覽詠及鴻臚集瑣說龍津史

談諸書

穎州府志
亳州志

喻璽字玉書穎州貢生博涉經史嘗爲吳越遊涉揚子渡錢塘

登天台雁蕩觀海武原鹽官閒作記事詩四百六十首蕭遠清

曠人以爲得江山之助

阜陽縣志

陳謹字爾慎穎上歲貢能文工詩著有四書折衷八代詩選望

古齋詩文集同時郝淳穎州歲貢官碭山訓導著有四書析注

及懷抱集

潁州府志

甯驥字士伯阜陽人因赴省鄉試母卒不得親斂遂疏素終身不復科舉後以歲貢授安陽訓導亦不就著有與地備考十卷及毅齋詩賦四卷

潁州府志

劉開顏潁州廩生七歲能詩淡於進取著有森玉堂集

潁州府志

胡殿英霍邱歲貢嘗集五經疑義參解異同彙爲一編父昆者年夙學著有周易纂注一書屬稿未成殿英敬謹繕寫藏之於

家

霍邱縣志

張慶字虔敕亳州人於書無所不讀尤嗜史家言著有春秋三

禮疏及半癖山房詩文集

亳州志

孫元煌字賸筭亳州附貢性孝友工詩文其父官雲南馬龍州

知州因病往迎著有滇行日記二卷詩有賸筭集十六卷

亳州志

梁獻字聞山亳州人乾隆壬午舉人由教習授巴東知縣以艱歸念母老遂絕意仕進惟肆力於書初得筆法於宣城梅武後以功力精專蒼健道勁武與弟鈐皆自歎爲不及楷宗晉唐草法二王於李邕張從申摹倣尤久幾於神似碑版徧天下眞蹟人尤寶之詩亦古雅而爲書名所掩故不傳子偉業拔貢官於潛知縣亦善書

亳州志

吳灝字溪梁亳州廩貢候選訓導歷署太湖望江學官著有半

遠山房集

亳州志

張善佐字榕仙亳州歲貢官金匱縣訓導嘗手鈔經傳史子及

古今文百餘卷著有六吉堂詩稟

亳州志以上舊志

潘桂字辛崖穎上進士工詩古文詞著有望雲書屋詩稿

穎上縣志

以下
新修

連鼎彝字牧九阜陽舉人寬和好學及門多知名者著詩經備

解又有四甲五甲存吾唾餘各集雙清堂松谷詩鈔

阜陽縣志

邢士秀字華笙阜陽舉人孝友博聞藏書甚富所撰碑銘傳記

時稱作手著書悉煨於火僅存易經彙說二卷

阜陽縣志

郭近陽字午山霍邱貢生著有儀禮經疏提要詩經疑義通解

霍邱縣志

馬平和字坦若亳州布衣著淡仙詩草有陶韋風致

亳州志

葛潤蘅字豐澤蒙城舉人著有四書待商史論待商蘭渚雜撰

本性齋詩稿

蒙城縣志

按潁州府以詩文名者

國朝尙有阜陽劉澤菁

廩貢著勺園詩草竹溪詩話

元濂

副貢著五經提要左傳釋地

程

溶

歲貢著耐寒齋詩鈔

陳亮采

廩生著松田詩存強恕堂賦鈔

田晉

歲貢著四當軒詩鈔

李鈞澤

著雲間張鈞樂慶貢徽州府教授邢嶼布衣著穎上王乘

文貢生所著遺詩散佚訓導高崇瑞輯乘文及陳如岡湯汝

霍邱劉箱綠荷堂詩集著亳州陳文杰著蘆花館詩稿蒙城

蘇廷煜拔貢江甯府教授陸熙文生著雪李中孚訓導壽一百

解以上新增

拔貢江甯府詩集陸熙文生著雪李中孚訓導壽一百歲著四書條